


Paxaguenaxac:

"CHAALATAXAC
HUEGAXANAXAIC"



NAPAXAGUENATAXANAQ.

L'enaxat: _____

"Chaalataxac Huegaxanaxaic"

Napaxaguenataxanaq

Es una producción de la Convención Evangélica Bautista Argentina a través de su Departamento de Evangelismo y Misiones, con el apoyo de M.A.S.A. (Acciones Misioneras en Sud América).

TRADUCTORES: Pedro Medina, Genaro Romero y Miguel García (Miembros de la Iglesia Evangélica Bautista de Lote 10, Pampa del Indio, Provincia del Chaco).

REVISORES: Hermanos de las Iglesias Evangélicas Bautistas de Pampa del Indio y General San Martín en la Provincia del Chaco.

"Chaalataxac Huegaxanaxaic"

Paxaguenaxat: 1

"Cha'ayi 'enauac nam llaqpi ñi Dios, na mayipi loxonec nam 'onataxacpi mayi huetalec ana 'alhua. Qaq nachida da qadpi'i'iyaxac da chigoqchigui da qodoxonec na 'onataxacpi"

1 Juan 5:4.

"Qaq ŷoqo'oyi znégue't ca ishit da nqanaxat da lauotaxanaqtaic so Cristo da shinaqta? ¿Peta'a nachida da qanque'ejnaxac, huo'o taq da huo'o da qadqalaic, huo'o taq da qancanaguec, qadqouaxa, huo'o taq qaica ca qanapogoña, huo'o taq ca lchic, huo'o taq da nleuaxa? IA'i, qaica! Qaq ipacchigui da 'enapec naua ñiyigui'shi n'aqtaqa, 'eeta:

'Am sasouaxalec da imauec yi na'a'q da qomi' qayauecta'alo da qadeleuaxa;
qomi' qoyiita'ama qanqoyin aca qaguetapi da qayauecta'a ca nalaataqa'.

Qalaxayi 'enauac na mayipi senoxotaqchiviigui. Chaqdata da ŷataqta qomi' 'añaxaiqa da qad'añaxac chigoqchigui som qomi' lauotaqa'te".

Romanos 8:35-37.

"Qaq ŷoqo'oyi qomi' sanqot da qan'achic ñi Dios ñim chigoqchigui naq'en so Cristo Jesús da qomi' 'añaxaiqa, qataq chigoqchiguillo naq'en qomi' da qayayaten da n'aqtaguec so mayi. Qaq da mayi 'ena'am da no'on alaitayaxac mayi huayoxonec 'enauaque naua 'ale'u".

2 Corintios 2:14.

Da naigui ne'enaua nedegui'shi LaBiblia lashi' ŷoqta ŷataqtegue "'enauac nam llaqpi ñi Dios" ('Enauac nam Cristo lataxanatac nam 'eesa) ishet da saqyit da dahuegaxan, nauec 'enauac na chochaqna lataxacpi qataq 'enauaque naua 'ale'u. Qaq da shinaqpec da lya lataxac, da chaalataxac Cristo lataxanatac nacheda da: CHAALATAXAC HUEGAXANAXAIC.

Da egatae' anachattaigui de'eda, qaq saqtaique da 'am setauanaq yaqto' ashit da 'auo'ot. Da 'eetapeguec ne'ena paxaguenaxac 'eda yaqto' 'am itauan da taigui da adalamaxat anachaalataxac de'eda CHAALATAXAC HUEGAXANAXAIC, yaqto' auauatto'n ne 'enaua qoŷa'n qataq achiqxiacaco mayi 'am ŷanema so Cristo qataq da anaŷamaxateguet de'eda lataxac da chaalataxac mayi 'eesa, da chaalataxac Cristo lataxanatac huegaxanaxaic.

Da yaqto' ishet da 'auo'ot ne'ena paxaguenaxac aue'n naua ŷoqta saq'amaqtachi nogoxoshi'te. Auen aca 'oonole Nuevo Testamento, 'oonolec laapi huo'otaq birome

qataq na anapaxaguenaxat Chaalataxac Huegaxanaxaic Ne'ena paxaguenaxac huetaigui na ocho paxaguenaxatpi huetalec ne'ena mayi ca am yapaxagueetac 'am yaucta'a qataq huetalec da 'am ishet da auasategueta naua nntaxanaxaco dam 'ena'pe ne'enaua maye qoqueleguete da ataxayaxaata'ape ana Nuevo Testamento qom l'aqtaqa.

Nataq'en naua nntaxanaxaco huo'oi naua n'onataqa mayi ishet da 'auo'o't. Yi hua'auñi hueta'a 'auo'oi caua ataxayaxa'n capitulo ana Nuevo Testamento qom l'aqtaqa. Ye lya hueta'a ishet da anapaxaguena da huo'o ca antoeeta'ac texto ana LaBiblia, qaq y'iyi lya hueta'a auo'o ca 'auo'ot nam l'ontaxanaxaco da l'aqtaxanaxac ca Cristo lataxanatac mayi nachida da saqalota achiquiuxac talec 'am. Da apaqueeleguete ne'enaua paxaguenaqa'te qataq na n'onataqa da avidaxateec da anapaxaguenaxac qaq auaconeguet aca lmalate.

"Qalaxayi saqalota da qan'achic ñi Dios da qomi' yanema da sauegaxanaq, chigoqchigui naq'en so qadaxala' Jesucristo"

1 Corintios 15:57.

DA YOQTA YAŶAMAQCHIGUIÑI DE'EDA NCA'ALAXA

Naua n'onataqa ne'ena paxaguenaxat.

a.- Ishot da ataxayaxan ana lede so Marcos 'enaua capitulo chigoqchiguiña yi 1 avitta'a yi 8.

Ishot da anmitaque ca laloqo' y'iyi yo'oxoñi yoqta nte'etom qataq ca huaña da ishet da qoeta'a ca ntochiguiñi yaqto' ishet da anatamen aŶaxaatacot ñi Dios da 'am itaunec da auanata ca huetaigui ana ataxayaxaatac que'eca mayi 'am itaunec da yaqto' da anachaalataxac Ŷataqta no'on. Ime' qata ataxayaxan yoqta aloolec ca capitulo maye 'am nvita tatoigui yi n'aq qaq da amatta que'eca laloxoqui qaq 'auo'o ca lya anatamnaxac aŶa'aatac da ana'achic souaxat na anchoxonnatagueecpi namashi 'auaconeguet chigoqchigui da ataxayaxaatac ana laBiblia, 'aua'axattac nam adasoaxashitpi qataq aŶaxaateguelec nam adhuenaxanaxapi qataq nataq'en na iuen na adayipi. Que'eca laloxoqui, maye 'egatae da napacaleguete naua veinte minutos, qaq yoqta huo'o naq'enec da yaqto' 'eesa da ashit da 'am hueto'ot da CHAALATAXAC HUEGAXANAXAIC.

b.- Ishot da anapaxaguena da antoeeta'ac yi 1 Juan 5:11-12.

c.- Ishot da aŶa'anoiguiilo caua cinco nedeguishel caua cinco shiŶaxa'u mayi egatae' Cristo lataxanataqa. (Ca 'am yapaxagueetac 'am yanema caua cinco nedeguishel). Da ñaq taŶa'a da aŶa'aneec aca 'oonole nedeguishi qaq so'ota'q na dos lataxaco: 1) Setaxayaxana'q yaqto' qomi' sayānaqta ca n'aqtaxanaxac maye huetalec, qataq 2) Natamnaq seŶaxanaqto'ot ñi Dios da Ŷasaxalec da lqoagaxanaqtaic da n'aqtaxanaxac.

Yi iyi versículo 27 so Pablo 'enapec co'ollaxa da saq yāxaxa'ñi da i'axattac huo'otaq da da'aqtaxanem so mayipi "enauac nam 'eetapeguecpi ñi Dios" qaq yi versículo 20 'enac da saq yāxaxa'ñi da da'aqtaxateguem so mayipi ne'enapi mayi "yō'otec ca yāyamaqchiguñi".

5.- Da 'enapec yi Hechos 20:21, ¿néguet soo maxa soa dos lataxaco mayi so Pablo i'axatta'ape mayi nam shiyaxauapi ishet da i'ot da yaqto' ishet da "dalaxaic da lañoxoc" huo'otaq "huo'o da lca'alaxa"?

a.- Ca'aisalo naua n'onataxaco, nachi queque ñi Dios.

b.- Qataq i'amaqten yōqta lpi'yaxac so qadataxala' Jesucristo.

"DA TOONAXAC" naigui "da anculliñi yaqto' ashet da qoquelec da pa'ayā'ague da auachigaqa'ague". Huo'o na maichi lalamaxat iyaqchic huo'otaq n'onataguec da quetague' so llec da ñi'itaxaloxo (Romanos 3:23). Soaxato' se'eso nqa'aic nachi qaica ca lya qomi' iuatta'agueta chaqdata da nleuaxa chochaq tateec (Romanos 6:23a.). Yōqo'oyi 'eda da huo'omshi qomi' ÑAUATTONAQTELA'T da so qolaqtalec qauem, qomi' ishet da SA'AQTAXANAXAM ñi Dios da soqolaqtalec qauem, qataq qomi' ishet da SACONAXA DA ÑICONNAXAÑI, de'eda 'eeta', qomi' lhuotte' da SOQOLAQA'AI so qauem qanqa'aic. Qaq 'eda da toonaxac.

Qalaxayi da sauoqtaique da qolaqa'ai som qauem qanqa'aic qaq qomi' sa'yatenaq da nam 'ena qaye'etaxalopi qomi' iconnettai'salo, 'eco' qomi' l-lataqa. Qaq seuenaq que'eca mayi yacteec da l'añaxac napacalec da ñe'etaxaloxo da qomi' itaua'n. Qaq chaqsota so Cristo nachattalec co'ollaxa ana 'alhua qala saqca ca lasoaxashit, chaqsota so Cristo co'ollaxa ileualeguete qomi' netagui so epaq 'eso lacruz, chaqsota so Cristo nca'aleeguesop aso huachiqui (ataxayaxan yi 1 Corintios 15:3-4). Yōqo'oyi 'eda da huo'omshi chaqsota so Cristo da ishet da qomi' nca'alaxatreec, qomi' isoueeguesopa da ñi'itaxaloxo (Hechos 4:12). Qaq 'eda da huo'omshi seuenaq da se'yaxanaxa so Cristo da na'ya añi qadquiyaqte qataq SACONAXAGUET yataqta qadpi'yaxac da nacheso Qadataxala' qataq Qadca'alaxaqui. 'Eda da naigui da QAYA'AMAQTEN SO CRISTO (ataxayaxan yi Juan 1:12).

6.- ¿Néguet ca yāchaxanapec da i'ot so Cristo yi Apocalipsis 3:20 da s'axasoqchigui qataq sauataxaigui ñi lasom añim qadquiyaqte?

Qorni' inoxonoigui'o

7.- Mashí au'yaxanot 'am so Cristo da na'ya da 'eda anachaalatataxac yaqto yāpalaxat na ayi'itaxaloxopi qataq yācona da ilo'ogue' da'eda anachaalataxac?

¿Aja qalqo egatae'? _____

Da'am mashi ayañanot so Cristo da taigui de'eda anachaalataxac qataq yaconguet da yauo'o lafamaxat da mayi, so Cristo MASHI I'OT, cha'ayi So maye yachaxanapac da i'ot qaq EGATAE TENATAXANAXAIC.

8.- ¿Api'iya'a lam dam yachaxanapac so Cristo?

¿Aja qalqo egatae'? _____

Ataxayaxan yoqta alotelec yi 1 Juan 5:11-12 qataq auasategueta naua naidauo nnataxanaxaco.

9.- ¿Négue't ca mashi qomi' yanema ñi Dios?

Nca'alaxa chochaq tateec

10.- ¿Hua'ague ca hueta'ague ca chaalataxac chochaq tateec?

Eso ñalec

11.- ¿Négue't ca hueto'ot que'eca mayi "hueto'ot so Ñalec"?

Hueto'ot de'eda nca'alaxa

Da yoqta 'eesa' ya'yamaqchiguiñi qadca'alaxa 'EGATAE' da chigoqteu'a ne'ena ñanomaqteguetpi, cha'ayi ne'enapi ñanomaqteguetpi da nquigaxac saqalota. Mayi da yoqta 'eesa' ya'yamaqchiguiñi qadca'alaxa n'attalec de'eda mayi sanquicapec lataxac L'AQTAC ÑI DIOS qomi' da'aqtaxanema.

12.- Yi Juan 10:28, ¿négue't so 'enapac so Cristo ana lhuateguishi "qaguetapi" ne'ena mayi yaconguet yoqta lpi'i yaxac eco' da nachiso iuattegue' da nachaalataxac na mayipi?

a.- Negue't ca yanem lca'alaxa mayi chochaq tateec

b.- Qaq saishet da ileu

c.- Qataq qaica ca ishet da nqateeguesop da lhuaqyaxac

Da 'am mashi auaconguet so Cristo da nachiso Adataxala' qataq Adca'alaxaqui, qaq 'enauac ne'ena ipacchigui da taigui da anachaalataxac.

"Chaalataxac Huegaxanaxaic"

Paxaguenaxat: 2

DA 'EETEC DA 'AÑAXATAXAC DE'EDA CHAALATAXAC CRISTO LATAXANATAC.

Na n'onataqa:

- a.- **Da ataxayaxan:** yi Marcos chigoqchiguña yi capítulo 9 tachiguña yi 16.
- b.- **Yi anapaxaguena da antoeeta'ac:** Mateo 4:4 qataq Juan 16:24.
- c.- **Ca ad'onatac:** Ataxayaxan aca ñiyiguishi mayi 'am yanem ca 'am yāpaxagueetac qaq ime' qaq anem que'eca anauochaxaua. Anatamen ayaxanot ñi Dios da yasaxalec da Ichoxonnataxanaxa da n'aqtaxanaxac yaqto talec da no'on cam shiyaxaua mayi anem.

Naua nnataxanaxaco:

1.- ¿Mashi apaqueeleguete soa tres no'onataqa soa yicchiguilo aso hua'auñi anapaxaguenaxalate?

¿Aja qalqo egatae? _____

2.- Edeñi da antoeeta'ac so 1 Juan 5:11-12 mayi nachiso so texto so ishet da anapaxaguena co'ollaxa da antoeeta'ac:

3.- Yi 2 Pedro 3:18a. ¿négue't ca qomi' qaŷamaxaleguete da so'otaq?

Nquictashiquem da qadauatonaxanaxac so Qadataxala' Jesucristo.

4.- ¿Négue't ca daloqnaxana ca qomi' yanema so Lseñor Jesús yi Lucas 2:52?

Qaŷaloqnaxana so Jesús da nquictashiquem da llaxa qataq da lauatonaxanaxac

5.- ¿Négue't ca iyaxaataique so Pablo da talec nam dalaxaic 'amqaanataxanaxaicpi yi 1 Tesalonicenses 3:12?

Iḡaxatapoiqui da nañaxat.

6.- Da 'eetec so Efesios 4:13b. ¿négue't ca laloqnaxat da añaxataxac maye ishet da nmitaique da ivida'a ca Cristo lataxanatac?

Imata'at da llaxa so Cristo

(Qaica ca Cristo lataxanatac ca ivida'a da "nalochiguiñi" ana'ana 'alhua, qalaxayi 'eeta' ishet da nmitaique da nquictashiguem naq'en da llaxa saqcha'a. Ataxayāxan yi 1 Corintios 14:20, 1 Corintios 2:6 qataq Hebreos 5:14 maye ishet da 'am itauan da auayāteeteguet de'eda)

Qaq huo'oi naua cuatro nedegui'shi ana Nuevo Testamento (1 Corintios 3:1, Efesios 4:14, Hebreos 5:13 qataq 1 Pedro 2:2) i'axat ne'ena Cristo lataxanatacpi mayi chita'ague' da nañanot so Cristo qataq ne'ena Cristo lataxanatacpi mayi egatae' da nquic da lañaxataxac daloqnaxana' ca "nogotolec". Ne'ena qomi' iuennataxanaxaneque da ishet da qaḡo'ot ca 'oonolec naloqnaxanaxat da añaxataxac yi'oqchigui qataq da añaxataxac saqcha'a. Da sauoqo'o que'eca saloqnaxanaxa ishet da shenaqpec da qadañaxataxac saqcha'a iue'n naua dos lataxaco: 1) cam'eca 'apaxaguenaxat, qataq 2) que'eca qanayeeta'a no'on maye itauan da añaxataxac.

Da nquigaxac da añaxataxac, camachaqca nogotolec ishet da napaxaguenalo naua cuatro lataxaco: LQUIA'AXAC, LTAXAYAXAC, LQUEUOXOC QATAQ N'AQTAXANE' CA LYA. Qaq nache'en'am da saqcha'a, nam llalaqpi ñi Dios nataq'en ishet da ñapaxaguenaxa.

7.- Da 'eetec so Mateo 4.4, ca shiyaxaua sa ishet da ḡa'añaqchit nachacata aca

Pan mayi nataq'en 'enauac na l'aqtacpi ñi Dios

8.- Apocalipsis 1:3 qomi' da'aqtaxanema da ḡataqta "machiguiñi qome ca

Itaxayāxan ana'ana nede qataq machiguiñi nataq'en ca

n'axayāxateqa qom qaitaxayāxan de'eda n'aqtaxanaxac mayi

chigoqo'ot ñi Dios" (de'eda 'enapec na l'aqtac ñi Dios, 'ana LaBiblia)

9.- ¿Négue't ca ishet da so'otaq da 'eetec so Juan 5:39?

Ñapaxaguenaxalo naua nanettrañi l'aqtaqa ñi Dios

Qomi' ŷoqta ñapaxaguenaxa egatae' da chaqdata da choche setaxayāxanaq anam Qui'itta Nedeguishi.

10.- Yi Salmo 119:11 'enapec: **"Mashi soxochiguilo naua ada'aqtaqa añi iquiyaqte yaqto' egatae' da huo'o ca ŷasouaxashit hueto'ot da qoneta"**. ¿Négue't ca naigui da qaŷachaigui da L'aqtac ñi Dios añi nquiyaqte?

Anapaxaguena da antoueta'ac na huetraiqui ana labiblia

Da qaŷachaigui añi nquiyaqte naigui da qanapaxaguena da qantoueeta'ac. Yi Salmo 1:1-2 'enapec ŷataqta "machiguini" ca shiŷaxaua mayi ŷataqta ŷauotec na lqataxacpi ñi Qadataxala' nachi napaxagueetega yi na'a'q' qataq yi pe. Selaqa'a qone' da ca Cristo lataxanatac ishet da i'o't naua cinco lataxaco do'onataxana da L'aqtac ñi Dios yaqto' ishet da huo'o da lqui'axac saqcha'a ŷaŷamaqchiguini. Ca Cristo lataxanatac ishet da: N'AXAYAXAN, DTAXAYAXANATAHAN, NAPAXAGUEN, NAPAXAGUENA' DA NTOUEETA'AC QATAQ DHUENNATAXAALC DE'EDA L'AQTAC ÑI DIOS.

11.- Yi 2 Timoteo 3:16 qomi' da'aqtaxanema da na L'aqtac ñi Dios taiguet da yaqto' qaŷo'o't naua cuatro lataxaco:

a.- Qaŷapaxaguena taxanque

b.- Qaŷachaxanataxana ca lataxac

c.- Qaŷaŷamaxaani ca nasouaxashit

d.- Qaŷachaxanataxana da llic da achaalataxac qui'itta

Qalaxayi ne'ena egatae' da chaqnata da yaqto' nquic da lañaxataxac saqcha'a ca Cristo lataxanatac, saishet da ivida'a da LQUIA'AXAC na L'aqtaqa ñi Dios, camaye nataq'en iuen da napaxaguena da DETAXAYAPEGUE' ñi Lta'a piguem le'ec chigoqchigui da NATAMNAXAC.

12.- ¿Négue't ca qomi' qaŷamaxaleguete da so'otaq yi 1 Tesalonicenses 5:17?

Sogolaqto'ot da qanatamnaxac

13.- Da 'eetec so Lucas 18:1, ¿néguet que'eca saishet da so'otaq da ñatamnaq?

Saishet da ñasamaxaani

14.- Yi Marcos 1:35 qomi' hueto'oto so daloqnaxana da 'eetec da lataxac da natamen so Lseñor Jesús. ¿Négue't soua dos lataxaco so qomi' yāpaxaguenque?

a.- Se'eso mayi i'axat so laloxoqui da natamen co'ollaq ñaq qaqata'aguet
so na'a'q

b.- Se'eso mayi i'axat so huaña da so Jesús natameetac huaña su pa'auet
da nda'at da nqouagaxauen

15.- Co'ollaq ñaq ta'ya'a da lca'aua'alo soua lamaxa'shi, ¿négue't ca i'ot so Jesús da 'eetec so Lucas 6.12?

Imatteec se'eso pe da natameetac

16.- Co'ollaq so Lseñor Jesús nquictauet da l'onataxanaxac, da 'eetec so Lucas 5:15-16, ¿négue't ca i'ottac so Lseñor?

Tauqa cam toolec mayi qalca ca hueta'a huaña nachi nqouagaxaueetac

17.- Co'ollaq so 'amqaanataxanaxaicipi huetaigui ana Nuevo Testamento huo'o na ncotaxacpi huo'otaq ya'axasoxootapigui na ivitot lqalaicipi en'am co'ollaq so Pedro mayi nachiso 'oonolec da hua'auchiguiñi som lataxala'pi somaye qacon'ettai', ¿négue't ca i'ot somayipi da 'eetec so Hechos 12:5?

Queto'ot da nqouagaxaueetacot ñi Dios

18.- ¿Chaq négue't l'enaxat ca soaxalec da ñatarnnaq da 'eetec so Juan 14:13-14?

L'enaxat so Jesucristo

Naxa da shenaqpec da qomi' ñatarnnaq "souaxalec da l'enaxat so Jesús", nachi qomi' sa'axataqtac da 'enauac ne'ena mayi sa'aqtaxanaxam ñi Qadta'a qaq qomi' sa'aqtaxanaqteguem da 'eco "nacheso so Jesús".

19.- ¿Négue't que'eca se'yaxanaqaique da 'eetec so Mateo 26:41?

Da yaqto' saishet da qomi' inoxonoiquilo ca qauem nhuennataxac

20.- Yi Santiago 1:5-6 selaqleguete naua dos napaxaguenataxanaxaco

huo'onaq'eneque taaleguete de'eda tamnaxac.

a.- Huo'o peta'a ca ishet da sēyaxanaqaique (v. 5) qadaŷaanec

b.- Huo'o peta'a que'eca lataxac de'eda tamnaxac (v. 6) sēyaxanaq ŷoqta
qadpi'iŷaxac.

21.- 1 Juan 5:14-15 qom̄i' yachaxanalo naua dos lataxaco ŷoqta huo'onaq'eneque:

a.- Da huotaq huo'o ca sēyaxanaqaique soaxalec dam'eetapeguec ñi Dios, SAŷATENAQ da So mayi qom̄i' hua'axaŷalo

b.- Qataq da saŷatenaq da ñimayi qom̄i' hua'axaŷalo, qaq nataq'en SAŷATENAQ da mashi qom̄i' hueto'oto ca sēyaxanaqtaique

22.- ¿Néguet que'eca mayi chigaqaiqui da tamnaxac da qaŷasateguet da 'eetec so Juan 16:24?

Chigaqaiqui da tonaxac.

Egatae' da acoua'ai, yaqto' huo'o da adañaxataxac saqcha'a da maye ŷoqta huo'onaq'enec da nache chigoqchiguiña da ADQUIAXAC yi'iyi n'aq de'eda L'aqtac ñi Dios qataq da ATAXAŷOT nataq'en yi'iyi n'aq ñim Adta'a Piguem Le'ec.

'Chaalataxac Huegaxanaxaic'

Paxaguenaxat: 3

DA 'EETEC DA 'AÑAXATAXAC DE'EDA CHAALATAXAC CRISTO LATAXANATAC.

(Na laŷi 2)

Na n'onataqa:

a.- **Da ataxaŷaxan:** ana'ana nede ana Hechos soa Jesu's Lamaxa'shi naua capítulos chigoqchiguña yi 1 ivida'a yi 7.

b.- **Yi anapaxaguena da antoueeta'ac:** yi Juan 14:21 qataq Lucas 8:39.

c.- **Ca ad'onatac:** acuenata'alo caua dos shiyaxa'u mayi netraña ca saqayapque que'eca 'adma' que 'ecaua mayi hauauotaque da ataua'n yaqto' ishet da ŷacoodeguet so Cristo da nachiso lca'alaxaqui qataq Lataxala' da 'eda nachaalataxac. Anatameetaleguete' caa mayi yi na'aq, auŷaxategueleguete' da so N'Espiritu ñi Dios i'oteque da ŷaŷatetegueta da lhuenaxanaqa' da saqcha'a.

Naua nnataxanaxaco:

Se 'eso paxaguenaxat hua'auñi souaqta'a da ñapaxaguenaqtega da maichi qadañaxataxac mayi Cristo lataxanatac huetaigui da qomi' ñapaxaguenaxa da QADQUIA'AXAC de'eda L'aqtac ñi Dios qataq da SETAXAŷAQPEGUE' ñim Qadta'a Mayi Neta'ague da Piguem da ñatamnaq. Naŷi seuennataxanaxalec de 'eda qadhuenaxanaxa da QOYIQUIAXAC salaxasoxoguet da 'eetapeguet ñi Dios qataq da SEVIDAXATAQAUGALO ca lŷa't shiyaxa'u de'eda qad'aqtaxanaxac.

Naua 12 nedegui'shi LaBiblia lashi' mayi ishet da ataxaŷaxa'n naŷi i'axa't de "'eda qoyiquiaxac Cristo lataxanatac", de'eda 'enapec dam lataxac da qanachaalataxac. Yi 'oonolec nedeguishic ŷasateguet yi'iyi nnataxanaxac:

¿Eetec ca lliquiāxac huo'otaq ca nachaalataxac ca Cristo lataxanatac?

(Ataxaŷaxa'n naua nedegui'shi LaBiblia lashi' qataq auasateguet ne'ena nnataxanaxac)

1.- Romanos 6:4b. Daŷaxaic da nachaalataxac

2.- 2 Corintios 5:7 Quetaque' da lpi'iŷaxac

3.- Galatas 5:25 Quetaiqui da 'eetapeguet so Espiritu

4.- Efesios 4:1 Queque da lataxac cam iŷaxana ñi Dios

5.- Efesios 5:2 ŷataqta soxodaic

6.- Colosenses 1:10 Yō'ottac ca ŷāyamaxadeta so Qadataxala'

7.- Colosenses 4:5 Yataqta huo'o da laŷaanec.

8.- 1 Tesalonicenses 2:12 Quetaque' ñi Dios.

9.- 2 Pedro 3:11 Qui'itta da nachaalataxac.

10.- 1 Juan 2:6 i'enaxatchiqui da lataxac so Jesucristo.

11.- 3 Juan 4 Yataqta 'eesa.

12.- 2 Juan 6 Yalaxaquet na namaxasoxonaxacpi.

13.- ¿Négue't ca 'enapec yi 1 Juan 5:3b nam lamaxasoxonaxacpi ñi Dios?

Mayi saishet da qapa'atta.

14.- ¿Négue't ca achiquiaxac ca qomi' yachaxanapeguema so Cristo yi Juan 14:21 que'eca yāyamaxat, de'eda 'enapec que'eca mayi ipaqueelec na lamaxasoxonaxacpi?

a.- Mayi ñi Nta'a ŷauotec.

b.- Mayi so Cristo nataq'en ŷataqta ŷauotec.

c.- Qataq so Cristo nataq'en ishet da nachaxana.

15.- ¿Négue't ca achiquiaxac yachaxanapec so Cristo que'eca mayi ipaqueelec na lamaxasoxonaxacpi yi Juan 15:10a?

Qoquiteque da 'eetec da qami' sauoteque'.

16.- ¿Ca 'eetec da ishet da sachaxanaq da sauotaxac so Lseñor da 'eetec so Juan 14:15?

Salaxasoxoqueta naua lamaxasoxonaxaco.

17.- Da 'eetec so 1 Juan 3:22, ¿huo'o peta'a que'eca nhuoteete' naq'en da qadalaxayic nam lamaxasoxonaxacpi ñi Dios qataq da yasateguet ne'ena atamnaxacpi?

Qomi' yanema 'enauac cam se'axanaqaique, da salaxasoxoquet nam lamaxasoxonaxacpi

18.- ¿Négue't que'eca lamaxasoxonaxac ñi Dios da 'enapec yi 1 Juan 3:23?

a.- Da sa'amaqtenaq so L'alec Jesucristo.

b.- Qataq da qomi' sauotaxac ca qad'ya

19.- Yi Apocalípsis 1:5 ¿négue't se'eso hua'auñi l'enaxat mayi qo'yanagui so Cristo?

Som yataqta ipachiquilo naua l'aqtaqa ñi Dios

20.- ¿Négue't so 'enapec so Cristo da nachiso som nallipi yi Lucas 24:48?

Qau'axachiuec 'enauac de'eda qadauanaqchiqui (na'aqtaxanaxacpi)

21.- ¿Négue't ca qomi' yapaxaguenque yi Lucas 8:39 de'eda l'aqtaxanaxac ca Cristo lataxanatac?

a.- ¿Hua'ague ca huaña da sanaq ca qad'aqtaxanaxac?

Cam souaqtaña nachi sa'axataqtac so Cristo

b.- ¿Négue't l'aqtaxanaxac ca sanaq?

Jesucristo

22.- ¿Négue't ca n'añaqtaxanaxac ca qomi' yanema so Pablo yi 2 Timoteo 1:8a?

Saishet da secoxosoq da sa'axataq so Qadataxala' Jesús

Ana Nuevo Testamento qomi' yachaxanalo naua tres lataxaco da n'aqtaxanaxac:

a.- De'eda n'axanaxac (Juan 1:41-42; Juan 1:45-46; Juan 4:28-38; Hechos 10:24)

b.- Da n'aqtaxanaxac maichi nalamaxat, huo'otaq da ya'axattegue de'eda lauanaqchec ñi 'oonolec se'eso L'señor (Hechos 22:1-21; Hechos 26:1-29).

c.- De'eda qay'achaxan ca chigoqchiquilo naua nedegui'shi LaBiblia lashi dam no'on na'axay'axac (Hechos 8:35).

23.- ¿Mashi huo'o ca ayaxana co'ollaxa da yaqto' n'axay'axana da n'aqtaxanaxac

dam no'on na'axaŷaxac?

¿Aja qalqo egatae'? _____

So naloqnaxanaxat mayi qomi' ŷanema so Namaxashic Pablo yi Hechos 22:1-21 qataq Hechos 26:1-29, qomi' ŷapaxaguenque que'eca n'aqtaxanaxac nalamaxat iuen da huo'oi naua cuatro lataxaco:

a.- Iuen da sa'axataq da 'eeteque qomi' som SAXANAXA da sauattonaq so Cristo.

b.- Iuen da sa'axataq da 'eetec so sevidaxaguet da saconaxaguet so Cristo da nachiso Lataxala' qataq Lca'alaxaqui de'eda qanachaalataxac.

c.- Iuen da sa'axataq da 'eetec da nquigaxat de'eda qanachaalataxac da MASHI IME' da saconaxaguet so Cristo da nachiso Lataxala' qataq Lca'alaxaqui de'eda qanachaalatac.

d.- Iuen da huo'o ca NŶAXANAXAC yaqto' ca shiŷaxaua ca qomi' n'axaŷaxategalo nataq'en huo'o ca lidaqa' da ŷaconguet so Cristo da nachiso Lataxala' qataq Lca'alaxaqui de'eda nachaalataxac.

24.- ¿Mashi aŷa'anem da ad'aqtaxanaxac que'eca adhuo'ole'ec huo'otaq anauochaxaua de'eda adalamaxat adauanaqchic co'ollaq auaconguet so Cristo da nachiso Lataxala' qataq Lca'alaxaqui da anachaalataxac?

¿Aja qalqo egatae'? _____

Ca qaŷachaxan chigaqaigui ana laBiblia de'eda no'on na'axaŷaxac ishet da i'ot na saqalota lataxacpi, qalaxayi sauoqtaique da 'am setaunaxac ne'ena mayi taŷa'a da saqalota da nqouagaxanaqtaic de'eda anachaalataxac. Ŷoqo'oyi que'eca 'am ŷapaxagueetac 'am ŷanem aca qapio'ole nedeguishole' mayi 'am itauan qome yaqto' auo'ot que'eca auachaxan chigaqaigui ana 'anaBiblia de'eda no'on na'axaŷaxac. 'Am anapaxaguena qataq auo'o da saqŷit da alhuotta'a yaqto' aqopitaxanapec ca camachaqca addaqa' da huo'o da avidaxatauga ca adaŷipi da l'aqtaxanaxac so Jesucristo. De'eda nacheda saqalota da l'amaqchic naq'en da adañaxataxac 'eda Cristo lataxanatac.

'Chaalataxac Huegaxanaxaic'

Paxaguenaxat: 4

CA NETAÑA NA'AMQAANATAAXANAXAICPI: NACHI LMA' CA 'AMQAANATAAXANAIC.

Na n'onataqa:

a.- **Da ataxayaxan:** yi Hechos L'onataxanaxa'c soua Jesús lamaxa'shi yi capítulo 8 avida'a yi 14.

Da yaqto' da adtaxayaxanataxanaxac ana laBiblia ishet da Ita'adaic ca chigaqaigui talec da anachaalataxac qaq huo'o yi'iyi na'aq da ivita da ataxayaxan da auanata:

- 1.- Ca NAMAXASOXONAXAC ca yaqto' aualaxalec.
- 2.- Ca NALOQNAXANAXAT ca yaqto' qoquelec.
- 3.- Ca ÑI'ITAXALOXO ca ishet da avita'aguet.
- 4.- Ca LAPAXAGUENATAAXANAXAC ñi Dios ca ta'yet 'am.

b.- **Yi anapaxaguena da antoueeta'ac:** yi Hebreos 10:23-25.

c.- **Ca ad'onatac:** ishet da anamaqtegalo caua dos shiyaxa'u que'ecaui mayi 'am anatameetaleguete yaqto ishet da yauatton' so Jesucristo qataq yaconguet da ico Lataxala' qataq Lca'alaxaqui de'eda nachaalataxac, qataq acoyigue'n yaqto ishet da yalectau'a ca hueta'a ca ad'amqaanataxanaxauapi da yaqto' ishet da n'axayaxana da l'aqtaxanaxac dam no'on na'axayaxac, qataq auachitec ñi 'onolec que 'ecaui dos shiyaxa'u aca "nedeguishole" mayi ca 'am yapaxagueetac 'am yami' qome.

Naua nnataxanaxaco:

1.- ¿Mashi apaqueeleguete soua ado'onataqa mayi ishet da 'auo'o't se'esoua paxaguenaqa'te dos qataq tres?

¿Aja qalqo egatae? _____

Se 'eso paxaguenaxat dos mashi qoueta'a da anapaxagueetega da yaqto' nquic da adañaxataxac saq cha'a qaq yooqta huo'o da 'enec naua dos lataxaco: da ANAPAXAGUENAXAC na 'enaua lalamqa'ate som Qadataxala' qataq ca NDAQA', huo'otaq nma' no'on yaqto' ashet da anquictashiguem. Mashiyi anapaxagueetega da qomi' ishet da ñapaxaguena da sacheguenaq de'eda L'aqtac ñi Dios, da ña'aqtaxanaxai' ñi Dios chigoqchigui de'eda tamnaxac, da qadqueuoxoc salaxasoxogueta naua lamaxasoxonaxaco ñi Dios qataq sevidaxataqauga da qad'aqtaxanaxac caua lya't shiyaxa'u. Nayi ishet da secuennataqa'a cada'acolec que'eca NDAQA' huo'otaq nma' mayi seuenaq da qomi' itaua'n yaqto' seshitaq da "nquictashiguem ñaqashinaq da qana'achiquixac qataq da qadauotaxanaqtaic so qanseñor" (2 Pedro 3:18)

2.- Ana Nuevo Testamento qomi' da'aqtaxanema da ne'enapi 'amqaanataxanaxa'icpi da 'eeta'am "ca nuo' l'ecpi"

a.- ¿Ca 'eetec ca l'enaxat na'ena nuo'l'ecpi yi Efesios 2:19?

Lauo' l'ecpi na Halagpi ñi Dios

b.- ¿Négue't ca l'enaxat ca yānagui yi Galatas 6:10 ne'ena nuo' l'ecpi?

Lauo' l'ecpi na 'amqaanataxanaxa'icpi

c.- ¿Da 'eetec yi 2 Corintios 6:18, négue't ñi Dios da shinaqta'?

Ñi Dios mayi nachiñi ñi Qadta'a

d.- Yi Romanos 8:29 da so Ñalec (Jesucristo) qo'yānagui da l'enaxat:

ñaxanec

3.- Da 'eetec so 1 Juan 3:14, ¿ca 'eetec da ishet da sa'yatenaq da qomi' ñica'alaxauec?

Da sa'otaxac na qadqa'ñi'icpi

4.- Da 'eetec so Juan 13:35, ¿ca 'eetec da ishet da nanoma nam shi'yaxauapi mayi sa ishet da Cristo lataxanatacpi, dam qomi' nachi qomi' lapaxaguenataqa so Cristo?

Da ñi 'oonolec yātaqta yāuotec ca l'ya

5.- Ana Nuevo Testamento l'axat da nam Cristo lataxanatacpi 'eeta'am "da 'oonolec n'oquiaxac n'attau'a so Cristo". 'Eeta'ama qomi' da 'oonolec da qad'oquiaxac ña'adaqtau'a so Cristo, "qomi' qalota" qataq "ñi 'oonolec da shinaqta yātaqta n'atte' ca l'ya nachi 'eeta'am da 'oonolec da n'oquiaxac" (Romanos 12:5) qataq seshitaq da ñi 'oonolec huetapegue' da itauan ca l'ya (1 Corintios 12:25). Da 'eetec ne'enaua naidauo nedegui'shi laBiblia lashi':

¿négue't camaxa que'eca ishet da so'otaxac ñim 'oonolec nam qada'yipi?

a.- 1 Pedro 1:22 Ñi 'oonolec yātaqta yāuotec ca l'ya

b.- 1 Tesalonicenses 4:18 Ñi 'oonolec itauan ca l'ya

c.- Galatas 6:2 *Ñi 'oonolec da qoñiita itauan ca lya da nachishiquem ca lla'ac.*

d.- Colosenses 3:16 *Qau'añagchichi ca qadijai qataq qauapaxaquiñi.*

e.- Hebreos 3:13 *Ñi 'oonolec queto'ot naua na'axa'te da i'añagchittac ca lya.*

f.- Hebreos 10:24 *Ñi 'oonolec ipacapeque' ca lya.*

g.- Santiago 5:16 *Ñi 'oonolec da'aqtaxanem ca lya ca lasouaxashit.*

Qomi' yāpaxaguenque qalota da qomi' yāchaxanalo da naitaxa ana Nuevo Testamento da qalota naxa da dtaxāya da nam Cristo lataxanatacpi yānagui da l'enaxat nam "qui'ittapi" da qalota, qalaxayi sa yāuana da dtaxāya da "qui'itta" da 'oonolec da dtaqtega ca 'eca Cristo lataxanatac 'oonolec. De'eda qomi' yāpaxaguenque de'eda chaalataxac Cristo lataxanatac ishet da nachattaigui da n'atta'aguet nam la'yipi Cristo lataxanatacpi, qaq 'eda de'eda mayi selaqlec de'eda naloqnaguec se'eso Cristo lataxanatacpi huetaigui ana Nuevo Testamento.

6.- Yi Hechos 2:42 semeenaqtac da som Cristo lataxanatacpi yātaqta queteguelo ne'enaua mayi "soua namaxa'shi mashi yāpaxaguenque", 'nqouagaxaueeta'ape", "da deque'e qalaq 'enauac ima'a't" (huo'otaq yālecta'at de'eda Nquiaxac da qaiuennate so Qadataxala'), qalaxayi nataq'en so mayipi:

¿négue't ca lya i'ottac?

Yataqta nhuoteeta't.

7.- Yi Hechos 4:5-22 soua namaxa'shi Pedro qataq so Juan huedaigui so nqalligotaxa'c da datatra'aguet so lta'alpi na nqataxacpi mayi qayamaxaleguete da sa ishet da da'aqtaxaadelec ltaxa da n'evangelio so lseñor. Qaq co'ollaq se'esoua dos namaxa'shi yācoodeguet so namaxasoxonaxac:

¿négue't se'eso hua'auñi da i'o't da 'eetec so Hechos 4:23?

Nqo'ooda som la'yipi, 'eso lqayañicpi.

8.- ¿Négue't ca yāchaxanapec so Cristo yi Mateo 18:20?

Cam huetra'a caua dos huo'otaq tres, nachi So mayi hueta'a.

Semeenaqtac qone' da ana LaBiblia qomi' yāpaxague'n da qomi' Cristo

lataxanataqa nachi qomi' lauo' lashi ne'ena ñalaqpi nam pi'i'yaaxicpi. Mayi ñi Dios nachiñi ñim Qadta'a, mayi so Cristo nachiso so qadqa'ya'yi qataq da 'enauac qomi' nqa'yañicpi. Qomi' 'oonolec da qad'oquiaxac ña'adaqtau'a so Cristo qaq da qomi' n'oquiaxa'u qomi' ñihuenaxai ñi 'oonolec qataq na qada'yiipi. Yoqo'oyi 'eda da hueto'oto qomi' da qanqoagaxa qataq da qanamaxasagueec da ñitaunaxai' ñi 'oonolec taq na qada'yiipi dam qanachaalataxac saq cha'a. 'Eda da huo'omshi ñi Dios i'adat NAM 'AMQAANATAAXANAXAICPI.

Da n'aqtac "amqaanataxanaxaicpi" yo'oq 109 da yi'iguelaxaalec ana'ana Nuevo Testamento. Qaq se'eso 109 yi'iguelaxaalec, 17 so yi'iguelaxaalec da dtaxa'ya na 'enauac na lalamaxat so Lseñor, de'eda eeta' 'enauac nam Cristo lataxanatacpi ana 'alhua qataq 'enauac nam na'axa'tesat. Qaq naua lya't 92 yi'iguelaxaalec ne'enaua da detaqtega yoqta ya'taqtegue aca'oonolec naponaxaqui Imashi na 'amqaanataxanaxaicpi mashi qanachilaxanpi. Qaq 'eda da 'eetec ana iglesia Cristo lataxanatac nma'shic, ana iglesia nachana MAYI LMA SAQ CHA'A CA 'AMQAANATAAXANAXAIC.

9.- Yamaxa aso lede asa'aso iglesia 'amqaanataxanaxaicpi Cristo lataxanatac hueta'a so lma', so 'amqaanataxanaxaicpi naña so Corinto, so Pablo i'ot da lnataxanaxac yi 1 Corintios 11:22 da qomi' da'aqtaxanema da huo'o ca 'oonolec nataxac mayi egatae' da saconaxa da sanaxam na 'amqaanataxanaxaicpi lalamaxat ñi Dios:

¿Négue't camaxa?

Ca Nataxac da qai'otan ca n'ya

10.- ¿Négue't que'eca nataxac mayi hueto'ot so Cristo da yanem na 'amqaanataxanaxaicpi da 'eetec so Efesios 5:25?

Yataqta ya'utec na 'amqaanataxanaxaicpi

11.- ¿Négue't que'eca n'atta'a naq'en so Cristo qataq na 'amqaanataxanaxaicpi da 'eetec so Efesios 5:23?

So Cristo nachiso so lqaic na 'amqaanataxanaxaicpi.

Na 'amqaanataxanaxaicpi nachina na l'oquiaxac so Cristo.

12.- 1 Corintios 3:16 i'axat so lapota'at Cristo lataxanatacpi hueta'a so Corinto i'axatta'ape naua dos lataxaco yoqta huo'o naq'enec hueto'oto se'eso 'amqaanataxanaxaicpi Cristo lataxanatac lma' yi':

a.- Mayi qami' lauo' so Espiritu Santo

b.- Qaq so Espiritu Santo netaiguilo qami'

So Cristo 'eeta'am da lqaic ne'ena 'amqaanataxanaxaicpi, netaigui na mayi chigoqchigui se'eso N'Espiritu. Ataxayaxan yi Hechos 13:1-4 yaqto' ala'a so qayaloqnaxana de'eda lataxac da se'eso Espiritu ilo'ogue da l'onataxanaxac se'eso 'amqaanataxanaxaicpi Cristo lataxanatacpi lma' yi'.

13.- ¿Qoueta'a naxa da aualectau'a saqyit que'eca 'amqaanataxanaxaicpi Cristo lataxanatacpi adma'shic?

¿Aja qalqo egatae'? _____

Da saxanaxa da 'auo'ot 'am sa'añaqchitaq da ishet da 'auo'ot, cha'ayi yocqta huo'o naq'enec yaqto' nquic da adañaxataxac 'eda Cristo lataxanatac.

"Chaalataxac Huegaxanaxaic"

Paxaguenaxat: 5

SO ESPIRITU SANTO: QADALAMAXAT QANTAUNAXAUA

Na n'onataqa:

a.- **Da ataxayaxan:** 'ana'ana nede Hechos L'onataxanaxa'c soua Jesús Lamaxa'shi naua capítulo 15 avida'a yi 21.

b.- **Yi anapaxaguena da antoueeta'ac:** iyi Efesios 5:18.

c.- **Ca ad'onatac:** anamaqttega yoltaxa que'ecaua dos shiyaxa'u que'ecaua mayi mashi anatameetapegueleguete yaqto' ishet da euidaugalo da nca'alaxa. A yaxaneugalo yoltaxa yaqto' ishet da n'axayaxaada da l'aqtaxanaxac da no'on n'axayaxac. Auachiteque qome ñi 'oonolec que'ecaua shiyaxa'u ca 'oonolec naua chigaqleguete ana laBiblia mayi ca 'am yapaxagueetac 'am yami qome'. Anhuaata'ato caa mayi yi pasaje chigaqaigui ana laBiblia iyi Juan 10:1-10 qataq au'aqtaxanema da ñi Dios yauoteque qataq nshitaique da huo'o ca "lca'alaxa chochaq huañi", qataq da itaxayaxaatrac ana laBiblia nachi ishet da yanatra so nqa'aic yaqto' yanatra da "nca'alaxa chochaq huañi".

Naua nnataxanaxaco:

So pe co'ollaq saxanaxa da qaiuaxaneuo, so Cristo yachaxanapeguema soua lapaxaguenataqa da sa ishet da yala't da ndoqteetrec, mayi yoltaq ñi'iguelaq da yaqto' hueta'agueta soo mayi (Juan 14:18). So Cristo da'aqtaxaatem da 'anac yoltaxa yaqto' hueta'aguet so mayipi chigoqchigui so Espiritu Santo, mayi ñi Lta'a namaq qome' (Juan 14:26). Qaq se'eso "npaqtaxanaxat" da lya l'enaxat huetaiguilo naua lya't nedegui'shi "so añaqtaxanaxaic". Nataq'en qo'yanagui da l'enaxat "so Espiritu mayi yoqta 'eesa" (Juan 14:17; Juan 15:26; Juan 16:13), qataq so "Espiritu Santo" (Juan 14:26). So na'aq l'enaxat Pentecostes (Hechos 2:1-42), so yachaxanapec so Lseñor mashi ipacchigui, qaq nachi chigoqchiguiña se'eso n'aq da nachattaigui 'enauac nam mashi llalaqpi ñi Dios qataq 'enauac na 'amqaanataxanaxaicpi Cristo lataxanatacpi da nachiso "NTAUNAXAUA SAQ CHA'A". Qaq yoqta huo'o naq 'enec qone' da yoqta auayateeta négue't ca huo'omshi anhuoteete' se'eso N'Espiritu Santo ñi Dios.

1.- ¿Qanégue't que'eca mayi yauatoiguilo naua qada'ai'te da yaqto' qomi' ishet da ñanomaxa da mayi de'eda nachida ñi'itaxaloxo da 'eetec so Juan 16:7-8?

Eso añaqtaxanaxaic (Consolador)

2.- ¿Qanégue't que'eca yan da seshitaq da sevidaqa'a da se'yaxanaxa LATAKALA' de'eda qanachaalataxac so Jesucristo, da 'eetec so 1 Corintios 12:3?

Eso Espiritu Santo

3.- Da 'eetec so Juan 3:8, ca shiyaxaua mayi yachigoxotchiguiñot de'eda chaalataxac Cristo lataxanatac nachica que'eca mashi nañaxachigui so:

Espiritu

4.- Da mashi qomi' llalaqpi ñi Dios, ¿Qaq chaqnégue't so namaxa ñi Dios ne'enaua qadquiyaqtel da 'eetec so Galatas 4:6?

Eso Espiritu

5.- Da 'eetec so Romanos 8:9, ¿négue't que'eca mayi nachattaigui que'eca Cristo lataxanatac?

Eso Espiritu

6.- ¿Négue't so saconaxaguet 'enauac nam i'amaqten so Cristo, da 'eetec so Romanos 8:15?

Eso Espiritu

7.- 1 Corintios 6:19 qomi' da'aqtaxanema' naua dos lataxaco mayi nachinaua yoaqta huo'o naq 'eneque da 'eetec so Espiritu Santo:

a.- Mayi de'eda qad'oquiatac yo'oqchigui nachida lauo'

so Espiritu Santo.

b.- Mayi so Espiritu Santo netaiqui. da shinaqta.

8.- Yi Efesios 1:13 qomi' da'aqtaxanema mayi co'ollaq sa'amaqtenaq so Cristo nachi 'enauac qomi' qai'a'n 'eeta'am da qomi' lalamaqa'te ñi Dios chigoqchigui so Espiritu Santo mayi Ñimaye mashi yachaxanapec co'ollaxa.

9.- Yi Efesios 1:14 qomi' da'aqtaxanema da so Espiritu Santo nachiso yoaqta itchiquiñi naq'en da qomi' saconaxaguet qome' ca lalamaxat ñi

Dios mayi qomi' yanema qome.

10.- Da 'eetec so Romanos 8:23, da mashi sa'amaqtenaxanaq nachi qomi' netanguita so Espiritu Santo da'eco l'auaxanec que'eca mayi qomi' saconaxaguet qome.

11.- 1 Corintios 12:7 qomi' yapaxaguenque da ñi "'oonolec", ñi 'oonolec Cristo lataxanatac, ñi Dios qomi' yanema ca qanachitaxat mayi ichoxot naq'en so Espiritu da ntaunaxat da qanachaalataxac.

Naua nedegui'shi chigaqaiguilo ana laBiblia mayi mashi soaqta'a da ñapaxaguenaqtegalo qomi' yapaxaguenque da que'eca Cristo lataxanatac so Espiritu mashi i'otec qataq i'o't naua siete lataxaco:

* So Espiritu Santo ishet da ila'a naq'en da so mayi itaxaloxoic co'ollaxa.

* So Espiritu Santo yoqta nadalaxat, de'eda 'eeta mayi yo'otec da l'añaxac da yaqto' so Cristo ishet da evida'a da nachiso Lataxala' da nachaalataxac.

* So Espiritu Santo yami' da dalaxaic nachaalataxac, de'eda 'eeta mayi i'o't da lañoxoc dalaxaic.

* So Espiritu Santo taigui da nachaalataxac ca 'amqaanataxanaxaic da yaqto' nachattaigui nachi 'eetai'.

* So Espiritu Santo i'an, yaqto' qayauatto'ota da mashi llalec ñi Dios qataq ya'auaxanot da yoqta 'eesa' da lca'alaxa.

* So Espiritu Santo nachiso so l'auaxanec que'eca yachaxanapec ñi Dios mayi ta'ya'a da yan.

* So Espiritu Santo yami' que'eca l'añaxac lalamaxat, ca nachitaxat saqcha'a da yaqto' ishet da d'onataxanot so Qadataxala' yalegoigui na 'amqaanataxanaxaicpi qataq ana'ana 'alhua (1 Pedro 4:10; 1 Corintios 7:7).

12.- ¿Négue't ca qomi' qayamaxaleguete yi Efesios 5:18?

Qomi' nlaqchiquilo so Espiritu Santo.

13.- Da 'eetec naua naidau'o 10 nedegui'shi huetaiguilo ana nede ana Hechos, ¿ca 'eetec ca qada'aqtac da 'eetec so Cristo lataxanatacpi so huetalec ana Nuevo Testamento? (Hechos 2:4; 4:8; 4:31; 6:3; 6:5; 7:55; 9:17; 11:24; 13:9; 13:52).

Se'esopi yallippi qataq 'alpi nlaqchiqui so Espiritu Santo

¿Négue't camaxa que'eca alaŷaxac da 'eetec so Galatas 5:22-23?

Nsoxoyic, tonaxac, nlaqaxayic, ihualaxavic, lauotaxanaqtaic, i'ot ca ŷaŷamaqchiquiñi, npe'et sa n'amqaanaxaic, ntel'la't.

17.- ¿Négue't ca i'ot so Espiritu Santo souaxat qomi da 'eetec so Juan 16:13a?

Qomi' ŷapaxaquenque 'enauac nam lataxaquesat mayi 'eesa.

18.- ¿Négue't ca i'ot souaxat qomi' so Espiritu Santo da 'eetec so Juan 14:26?

* Qomi' ŷapaxaquenque 'enauac na lataxaquesat.

* Qataq qomi' iuennataxanaxaque 'enauac na l'agtaapi so Jesús

19.- ¿Négue't ca i'ot souaxat qomi' so Espiritu Santo da 'eetec so Romanos 8:14?

Qomi' ŷaueca'agueta.

20.- Da 'eetec so Romanos 8:13, ¿négue't ca ishet da so'otaq qomi' CA CHIGOQCHIGUI so Espiritu Santo?

Salauataq na 'eetapequequesat de'eda qadapachiyaxac.

21.- Da 'eetec so 2 Timoteo 1:7, so Espiritu Santo egatae' se'eso espiritu da

Colanqaic, mayi se'eso espiritu i'ot ca n'añaxac naq'en qataq,

ca nsoxoyic qataq da maichi ntel-la't ca shiŷaxaua

22.- Da 'eetec so Hechos 6:3, ¿ca 'eetec que'eca shiŷaxaua da nlaqchigui so Espiritu Santo?

Huo'o na ŷaŷaten.

23.- Da 'eetec so Hechos 13:52, ¿ca 'eetec que'eca shiŷaxaua da nlaqchigui so Espiritu Santo?

Huo'o da ntonaxac.

24.- ¿Négue't ca qomi' ŷanema so Espiritu Santo da 'eetec so Hechos 1:8?

25.- Da 'eetec so Hechos 4:31, ¿négue't ca i'ot co'ollaxa som Cristo lataxanatacpi Jerusalem l'ecpi co'ollaq huetaigui da nlaqchigui so Espiritu?

Saishet da ñi'ilec da i'axattac da L'aqtac ñi Dios

QAISOUEC SO L'AÑAXAC SOM ÑI'ITAXALOXO

Na n'onataqa:

a.- **Da ataxayaxan:** yi Hechos da L'onataxanaxac soua Jesús Lamaxa'shi chigoqchiguña yi capítulo 22 ivida'a yi 28.

b.- **Yi anapaxaguena da antoueeta'ac:** Galatas 2:20.

c.- **Ca ad'onatac:** anamaqtegalo yoltaxa que'ecaua dos shiyaxa'u que 'ecaua mayi 'am anatameetaleguete dam 'eda lca'alaxa. Ana't da mashi itaxayaxa atrac da No'on Na'axayaxac mayi yideñi so Juan qataq ana't négue't ca 'eta'am naq'en. Au'aqtaxanema da 'am anatameetaleguete caa maye qataq au'aqtaxanema ca maichi ada'aqtaxanaxac dam adca'alaxa'. (Antoueta'ac so antaunaxat mayi huetaigui so paxaguenaxat 3).

Naua nnataxanaxaco:

Dam qadca'alaxa da qaisouec da ñi'itaxaloxo da mayi l'onataxanaxac ñi Dios mayi huo'oi na tres hueta'alo:

a.- Mashi ñica'alaxaueguesop da qanhuaxanaguec mayi qomi' huetaleguete co'ollaxa souaxat som qayi'itaxaloxo, qaq 'eda da qailonec nalochiguñi.

b.- Qomi' nagui mashi ñica'alaxaueguesop da l'añaxac dam ñi'itaxaloxo, de'eda 'eeta se'eso ñi'itaxaloxo mashi qaica ca l'añaxac da huetaleguete qomi' qaq de'eda qailonec yooqta qui'itta.

c.- Qom qomi' qaisoueguesopa de'eda qomi' da ñi'itaxaloxo qaq de'eda qailonec da ño'oxonnataxanaxac, qaq ta'ya'a da ipacchigui qom souaqta'aguet so qadataxala' de'eda piguem.

Qaq 'enauac ne'ena n'onatac na i'ot ñi Dios dam qanachaalataxac ishet da shinaqpec da 'eeta'am so Pablo "qaq ayim yataqta 'eesa ñaqshin da ñi Dios mayi chigoqchigui da qami' i'oteque da no'on dalaxaic qadataxaqui, ñi mayi queto'ot da i'ottac da mayi, chochi ividaxatta'a ca na'a'q qom ñi'iguelaq so Jesucristo" (Filipenses 1:6)

Ne'ena paxaguenaxat sauoqtaique da seuennataxanaxalec na ena lya hueta'a da nca'alaxa, de'eda 'eeta' dam "yooqta qui'itta", qataq sauoqtaique da ne'ena 'enauac 'am setaunaxac da 'auauatton da 'eetec da ashet da avida'a da adauegaxanaxac anapacalec da ñi'itaxaloxo yi na'aq de'eda anachaalataxac.

1.- Da 'eetec so 1 Tesalonicenses 4:3a, ¿qanégue't ca 'Eetapeguet ñi Dios da shinaqta'?

2.- Da 'eetec so 1 Juan 1:8 qataq 1 Juan 1:10, huo'oi naua dos lataxaco naxa da ca 'amqaanataxanaxaic i'axa't qala datenataxaatac, ¿négue't caamaxa?

a.- Da shinaqpec qai'ca ca qadasoaxashit.

b.- Saisnet da huo'o ca so'otaq qadasoaxashit

Qaq 'enapec qomi' mayi sauattonaqta'aguet da nai'ctaxa da qomi' Cristo lataxanataqa, da nai'ctaxa da qomi' l'alqa ñi Dios chigoqchigui da qadpi'iaxac so Jesucristo, ñaq hueto'oto qomi' da 'oonolec 'onataguec mayi qomi' yamaqtaleguete na qauem qataq taq'en ishet da sauattonaqtegue't da saqalota naxa da qomi' qanaue'c qaq shi'iguelaxasoxouga da ñi'itaxaloxo ñiyoxosoxolat na qauem.

Saqalota naxa da qomi' qay'i'iguen, qaq de'eda egatae' da ñi'itaxaloxo. Qay'aloqnaxana so Cristo da somaye qay'i'iguen, qalaxayi sa yauana da huo'o ca yasouaxat. Da ñi'itaxaloxo qay'o'ot naxa da ñi 'oonolec maichi nañanguet que'eca ñi'iguenataguec. So 'oonolec shiyaxaua huo'o so na'aq 'enapec: "sa ishet da shi'ya'aguet da na qoyopi huayotac nlecteguelec na iqaic, qalaxayi ishit da shi'ya'aguet da i'ot ca lpata'c yanagui na iqaic".

Qaq da ñi'itaxaloxo nachi 'eetec da'a, saishet da shi'yaqa'aguet ca qañe'eguenaguec, qalaxayi ishet da shi'yaqa'aguet da so'otaq da ñi'itaxaloxo.

3.- Yi 1 Corintios 10:13 qomi' da'aqtaxanema mayi naxa da mashi qomi' qay'i'iguen ñi Dios yalemaqaalec da i'o't naua dos lataxaco da shinaqta:

a.- Saishet da qomi' yashiitema ca qañi'iquenataguec da huo'otaq sañaloxoque't

b.- Ñi Dios qomi' yanema nataq'en ca datateega da yaqto' qomi' ishet da ñalaga'aguet.

4.- ¿Négue't ca qanachaxanaxat hueta'a yi Santiago 1:12 da ña'añaxataxaguet ca qañi'iguenataguec?

Nachi saconaxaguet ca qadca'alaxa

5.- ¿Négue't ca qayachaxanapec mayi selaqlec yi Santiago 4:7?

Qanachaachiya'aguet so lma'na qaq So mayi dataueguesopa qami'

6.- Da 'eetec so 1 Pedro 5:9, ¿ca shinaqtec da ñachaataqa'aguet so lma'na?

Chiqoqchiqui da qadpi'i'qaxac.

7.- Sa ishet da ñimitaqtac ca qañ'iguenataguec, chaqdata da qomi' qolaqa'aisalo ne'enaua lataxaco mayi ishit da qomi' yanataqchiyiñi. Ana laBiblia qomi' da'aqtaxanema' da huo'oi na lataxaco ne 'enaua mayi ishet da sataxaueguesopa. Da 'eetec ne 'enaua nedegui'shi huetraigui ana laBiblia, ¿qanégu'e't caamaxa que 'e'caua lataxaco?

a.- 1 Corintios 6:18 da nquishequetaxac.

b.- 1 Corintios 10:14 da ñatamnaqtecot na nqolacpi.

c.- 1 Timoteo 6:9-11 da nqopitaxanaqtaic aca yi'oqchiqui plata.

d.- 2 Timoteo 2:22 da lqopitaxanaqtaiquesat da noqotshic.

8.- ¿Négu'e't ca yamaxalec so Cristo soua lapaxaguenataqa da i'ot da yaqto' sa inoxonoiguiilo ca ñi'iguenataguec da 'eetec so Mateo 26:41?

Qanloitauec qataq qanqouaqaxauiñitac.

9.- Yi Mateo 4:4, 7 qataq 10 selaqlec so n'ogoxonaxat mayi so Cristo d'ogoxona yaqto' ishet da nauec so ñi'iguenataguecpi mayi yanem co'ollaxa so lma'na, ¿négu'e't so maxa?

Enaua nanettrañi L'aqtaqa ñi Dios.

Huo'o damaxa da ishet da sa'yatenaq, qaq da mayi 'eeta' sa ishet da ñañanaxague't que'eca qañe'eguenataguec, nachaqdata da ishet da nachi 'eetai' da soaqteguelec da qanatamnaxac qataq seuennataqa'alo ne'enaua L'aqtaqa ñi Dios, cha'ayi da sa ishet da so'otaq ne'ena nachi ishet da qomi' yanataqchiyiñi de'eda ñi'itaxaloxo.

10.- Naxa da huo'o ca qayi'itaxaloxo, ¿négu'e't ca ishet da so'otaq da 'eetec so 1 Juan 1:9?

Sa'axataq naua qadasoaxashi'te.

11.- Qaq naxa da sa'axataq da qayi'itaxaloxo, ¿négu'e't ca qomi' yachaxanapeguema ñi Dios yi 1 Juan 1:9?

a.- Yapalaxat 'enuac na qadasoaxashitpi.

b.- Qataq iyoquec 'enuac na sa ya'amamaxashisat.

Da ñi'itaxaloxo ilaxachigui da ñi'adaqtau'a ñi Dios, qalaxayi da sa'axataq yōqta 'eesa' dam qayi'itaxaloxo nachi ñi Dios qomi' yachaxanapeguema da qomi' ICHOXODEN QATAQ QOMI' IYOI'.

Qanachi da mashiyi da qomi' sa'axataq da qadasoaxashit nachi qomi' ishet da sepi'iyaqa'a ne'ena mayi qomi' yachaxanapeguema ñi Dios qataq ishet da sanaxam da qan'achiquiaxac soaxat da lchxonntaxanaxa qataq soaxat da mashi qomi' iyo'i.

Qalaxayi ñi Dios sa ya'amaxaden de'eda qanachaalataxac da soaqta'a da saqyit da shi'iguelaxasoxouga da qayi'itaxaloxo qataq seyaxanaqtaque da qomi' qaichoxode'n qataq ime taq yoltaxa shi'iguelaxasoxouga de'eda maichi qayi'itaxaloxo.

Qaq yi hueta'a de'eda ana laBiblia qomi' da'aqtaxanema **"qalaxayi cam quetot da i'otta'pe naua lasouaxashi'te, ca mayi quetague' som shiyaxaua mayi ima'na. Cha'ayi so mayi nal'ena da yataqta 'itaxaloxoic co'ollaq chita'ague huo'o ana 'alhua. Qaq yōqo'oyi so llalec ñi Dios anac da yaqto' n'axajñi 'enuac nam l'onataxanaxacpi so mayi. Qalaxayi nam llalaqpi ñi Dios sa ishit da huo'o taq huo'o ca queto'ot da i'otta'pe naua lasouaxashi'te, cha'ayi ca mayi hueto'ot da achaalataxac mayi yanem ñi Dios. Nachi ca mayi sa ishit da queto'ot da i'otta'pe naua lasouaxashi'te, cha'ayi llalec ñi Dios"** (1 Juan 3:8-9).

Qalaxayi sauoqtaique da 'am setauanaq da auayaten da 'eetec da ishet da anauec de'eda ñi'itaxaloxo.

12.- Da 'eetec so Galatas 5:17 huo'oi na dos lataxaco netaigui cam Cristo lataxanatac mayi deloctega't, ¿négue't caa maxa?

Eetapequec so Espiritu qataq na 'eetapequecpi ca shiyaxaua

13.- ¿Négue't ca i'axattac so Namaxashic Pablo da 'eetec somayi yi Romanos 7:18?

Da nachaalataxac huo'o da nqalligotaxac saq cha'a

Yi Romanos 7:14-25 so Namaxashic Pablo, ishet da shinaqpec 'oonolec so yalectaigui so no'on Cristo lataxanatacpi mayi huo'o co'ollaxa, i'axat da nqalligotaxac saq cha'a mayi hueto'ot de'eda lalamaxat nachaalataxac. So maye 'enapec da na pa'auo' somaye huo'o naxa da nqalligotaxac ne'ena mayi nshitaique

da i'ot qataq da l'oquixac, somaye qataq da ñi'itaxaloxo mayi netaigui somaye.
Yi'iyi capítulo 8 yi Romanos qay'a'axat da 'eetec se'eso Pablo da ishet da huo'o da
lauegaxanaxac de'eda qalligotaxac.

14.- Da 'eetec so Romanos 8:2, ¿négue't ca 'eca mayi qomi' hisoueguesop dam
l'añaxac da ñi'itaxaloxo qataq da nleuaxa?

L'añaxac so Espiritu Santo.

15.- Da 'eetec so Romanos 8:13, ¿ca shinaqtec da salauata'q naua lyaqchico da
qadapachiyaxac?

Chiqoqchiqui ñaqshinaq so Espiritu.

16.- Da 'eetec so Filipenses 1:21a, ¿négue't de'eda chaalataxac cam 'eca
'amqaanataxanaxaic?

Nachattaigui so Cristo.

17.- ¿Négue't ca nachattaigui que'eca 'amqaanataxanaxaic da 'eetec so Galatas
2:20?

Cristo.

18.- Da 'eetec yi 2 Corintios 3:17a, ¿négue't se'eso Lseñor?

So Lseñor nachiso so Espiritu

"Chaalataxac Huegaxanaxaic"

Paxaguenaxat: 7

DA QANACHILAXAN CA CRISTO LATAXANATAAC

Na n'onataqa:

a.- **Da ataxayaxan:** yi Galatas naua capítulos 1 qataq 6.

b.- **Yi anapaxaguena da antoueeta'ac:** iyi Romanos 6:3-5.

c.- **Ca ad'onatac:** anamaqtega ca 'oonolec ca 'ecaua dos shiyaxa'u mayi anatametaleguete de'eda lca'alaxa, auachaxana que'eca no'onataxanaxat mayi 'am yami' qome ca 'am yapaxagueetac huetalec da l'aqtaxanaxac da No'on N'axayaxac, qataq aua'añaqchit yaqto' yaconguet so Cristo yōqta lpi'iaxac da Lataxala' qataq Lca'alaxaqui.

Naua nnataxanaxaco:

Co'ollaq da chigoqchiguña ne'ena paxaguenaxac qomi' saqalota da ñi'iguelaxataqtauec ca'eca l'aqtaxanaxac ca Cristo lataxanatac. Ñi 'oonolec paxaguenaxac huo'o ca n'onatac ishet da qai'ot, qaq so paxaguenaxat tres 'am mashi ameteeta'ape naua tres lataxaco ne'ena naua mayi chigoqchiguilo da qōyan da l'aqtaxanaxac so Lseñor. Nagui qomi' secuennataxanaxalec da l'ya lataxac da qōyan da n'aqtaxanaxac, mayi chigoqchigui da chelaxac.

1.- Se'eso "Lta'adaic Namaxasoxonaxac" mayi Cristo qomi' n'onaxataisopa yi Mateo 28:18-20 selaqleguete naua tres lataxaco mayi yōqta huo'o da 'enec nqa'en da shinaqta:

a.- Da l'añaxac so Jesucristo (versículo 18).

b.- Da lamaxasoxonaxac mayi qomi' yami'ito so Jesucristo (versículos 19-20a)

c.- So qomi' yachaxanapeguem so Jesucristo (versículo 20b)

Yōqta alotelec, so lamaxasoxonaxac mayi qomi' n'onaxataisopa so Jesucristo huo'oi na cuatro hueta'alo,

¿Négue't caa maxa? (yōqta ataxayaxata yi Mateo 28:19-20a)

a.- Qoqui

b.- Qauauo'oi ñallippi

c.- Qauachilaxanataxañi

d.- Qauapaxaguenataxañi

2.- ¿Négue't ca l'ot so tres mil shiyaxauapi mayi yaconguet da l'aqtac so Lseñor

se'eso na'aq Pentecostes da 'eetec yi Hechos 2:41?

Enauac qanachilaxan so mayipi.

3.- So Samaria, ¿négue't ca i'ot som i'amaqten da No'on N'axaḡaxac maye i'axattac so Felipe yi Hechos 8:12?

Qanachilaxan

4.- ¿Négue't ca huotaique i'ot so eunuco co'ollaq so Felipe da'aqtaxanem da No'on N'axaḡaxac yi Hechos 8:36?

Nachel

5.- ¿Négue't ca i'ot so Saulo qo'ollaq mashi nañan qataq namaxasoxoic so Ananías yi Hechos 9:18?

Qanachilaxan

6.- ¿Négue't ca i'ot so Pedro som 'amaqnataxanaxaicpi so Cesarea yi Hechos 10:47-48?

Nachilaxan so mayipi

7.- ¿Négue't ca i'ot aso Lidia co'ollaq ḡauateguet lquiyaqteḡaxac so Lseñor da 'eetec so Hechos 16:14-15?

Nachel nataq'en 'enauac so llalaqpi.

8.- ¿Négue't ca i'ot so ilotague' aso ncoñetaxanaxaqui yi Filipos qo'ollaq nañan da 'eetec so Hechos 16:32-33?

Nachel qataq 'enauac so llalaqpi.

9.- Da 'eetec so Hechos 18:8, ¿négue't ca i'ot so Crispo qataq so llalaqpi qataq so qalota mayi lma' yi corintios qo'ollaq hua'axaḡa da No'on N'axaḡaxac qataq i'amaqten?

So Crispo qataq llalaqpi qataq so laḡipi shiḡaxauapi 'enauac qanachilaxan.

Naua nedegui'shi laBiblia lashi' mayi setaxaḡaxanaqta'ape chochaq 'evitta'a nagui

ishet da sa'ana'q naua dos lataxaco mayi yōqta yātaqteguelo:

a.- So Cristo yāmaxalec que'eca mayi nañan da nshitaique da lapaxaguenatacpi, de'eda huo'otaq nam 'enapec se'eso mayi yāconguet da nachiso Lataxala' qataq Lca'alaxaqui, qala ishet da nachel.

b.- So Cristo lataxanatacpi so togoshic, 'enauac yālalaxaguet da lamaxasoxonaxac so Lseñor.

10.- So paxaguenaxac huetalec ana Dalaxai Testamento qomi' yāchaxanalo da co'ollaq ñaq ta'ya'a ñi 'oonolec da qanachilaxan saqyit da huo'o que'eca yo'oq. Da 'eetec naua naidauo ciital laBiblia lashi',

¿Négue't que'eca huo'o da ñaq ta'ya'a ne'ena shiyaxauapi da qanachilaxan?

a.- Hechos 2:41 Nam yāconguet da n'agtac.

b.- Hechos 8:12 Yā'amaqten.

c.- Hechos 10:47 Na yāconguet so Espiritu Santo.

d.- Hechos 16:14-15 Yauatoiqui añi lquiyaqte.

e.- Hechos 18:8 I'amaqten so Qadataxala'.

Da mashi ataxayāxan ne'enaua nedegui'shi qataq ameteetac da co'ollaq ñaq ta'ya'a da nachil nachi 'enauac na shiyaxauapi mashi yācongue't so Cristo da nachiso Lataxala' qataq Lca'alaxaqui, ishet da shinaqpec da que'eca chelaxac mayi i'axattac ana laBiblia talec ndoteec NAM DA'AMQAAANATAKANPI. Sa ishet da selaqlec ca 'oonolec da i'axat ana'ana Nedeguishi ca huaña da qanachilaxan ca nogotolec, huo'otaq ca shiyaxaua mayi saxanaxa yāconguet da yōqta lpi'iaxac so Qadataxala'.

Nagui ñoqo'onaxa da semetenaq ltaxa na lataxaco mayi huo'o da 'enec da chelaxac.

11.- ¿Négue't so i'ot so Jesús co'ollaq mashiyi da nachelaxan so Juan el Bautista yi Mateo 3:16a?

Ca'ai

so 'etaxat.

12.- ¿Ta'anco da dachilaxanataxatapiguiña so Juan yi Enón da 'eetec so Juan 3:23?

Cha'ayi yātaqta qalota na 'etaxat.

13.- Se'eso nachelaxac so eunuco, ¿négue't ca i'ot so Felipe qataq so eunuco?

a.- Huenotreec tayingui so 'etaxat (Hechos 8:38)

b.- Nnoxoshidequem so 'etaxat (Hechos 8:39a)

14.- Ataxayaxan yi Romanos 6:4 qataq aua'an ca nasataxac lataxac:

 De'eda qanachilaguec qomi' qaipigoxoleguete.

 X De'eda qanachilaxac qomi' qailalyiñi.

15.- Da 'eetec so Colosenses 2:12 de'eda achilaxac huo'oi naua dos lataxaco, ¿négue't caamaxa?

Qomi' qailalyiñi qataq ñica'alaxauec

Da n'aqtac "qanachilaxan" naigui da "huomchiguiñi", "qaiuomaxaña", qaq naua ciital laBiblia lashi' mayi mashiyi da ñapaxaguenaqtegalo qomi' yapaxagueneque da que'eca chilaxac mayi chigoqchigui da qaiuomaxaña. De'eda chilaxac mayi huaigui ana laBiblia ca da'amqaanataxan nachi qailayingui" que'eca n'etaxat qalaxayi yoltaxa "qanca'alaxateeguesop" ca mayi.

16.- Ataxayaxan yi Lucas 23:43 qataq auasateguet:

¿Ca 'enapec so Cristo se'eso cachaxaic mayi ntouen?

Nachina nañi da sogote añim qoueta'aguet

17.- ¿Nachel so cachaxaic co'ollaq saxanaxa da ileu?

¿Aja qalqo egatae'?

18.- Yi Hechos 20:17-38 so Namaxashic Pablo i'ot da naloqna't de'eda l'aqtaxanaxac da no'on n'axayaxac yi Efeso. Somaye y'i'iguelaqtalec da sanañaxaña da i'axattac 'enauac da l'aqtaxanaxac so Lseñor, qalaxayi sa yauanga da huo'o ca huaña da so Pablo i'axat dam 'eda chilaxac da nachida ishet da qai'ot da yaqto' ishet da qayacongue't da nca'alaxa.

Yi 1 Corintios 1:17 so Pablo 'enapec: "cha'ayi so Cristo sa ishet da añim yamaxalec da sachilaxanataxan, chaqdata da añim yamaxalec da sa'axattac da nca'alaxa". So Pablo nachiso 'oonolec shiyaxaua da nshitaique da 'enauac na shiyaxauapi ishet

da huo'o de'eda lca'alaxa, qaq taxa de'eda chelaxac da ishet da qaiuen da qaica'algui somaye ishet taxa da i'axat, qalaxayi chaqdata da somaye i'an da so Cristo yamaxalec da i'axat da No'on N'axayaxac da Nca'alaxa, dam qomi' yapaxaguenque mayi dam chelaxac yoqta huo'o da 'enec qalaxayi saishet da nachida da iuen da qaica'algui.

Taxa da qo'yeetapeguec da achilaxac nachida dam nca'alaxateec na shiyaxauapi, qomoxochitaxa na'aictaxa taxa da salca'ape que'eca lataxac, cha'ayi mashiyi da ñi Dios huotaique dca'alaqtaxan yachigoxotchigui da achilaxac qaq nachi 'en'amtaxa da qa'yo'onataxana ca saq'amaqtaq n'etaxat huo'otaq saqalota. Qalaxaye da achelaxac damaye chochaq NACHAXANATAC da maye nachi chigoqchigui da sanaq da qad'aqtaxanaxac, yoqo'oyi da que'eca qa'yachaxan da huo'o ca naigui qaq ishet da huo'o naq'enec qanaq'en da ya'yamaqchiguiñi da lataxac que'eca qa'ya'otaique da qa'yachaxan cha'ayi ishet da nquic ca naigui.

Da achilaxac huetaigui ana laBiblia egatae' da nacheda da 'eetec da yaqto' qa'yanata da nca'alaxa, qalaxayi damayi nachida da 'eetec da yaqto' qo'yan da n'aqtaguec de'eda nca'alaxa da 'eetec so Romanos 6:3-5 qomi' ishet da 'eesa ñaqshinaq da chigoqchigui da achelaxac cam da'amaqnataxan da i'ot da tres yi'iguelaxaalec da i'axat da lpi'iaxac:

- a.- I'axat da lpi'iaxac chigoqchigui da l-leuaxa so Cristo se'eso lacruz qataq de'eda nca'alesop aso huachiqui da nachida N'ATTALEC da lca'alaxa.
- b.- I'axat da lpi'iaxac de'eda maichi l-leuaxa da togoshic nachaalataxac mayi itaxaloxoic qataq de'eda lca'alaqtaxanaxac saq cha'a som Cristo da yaqto' quelec da nachaalataxac dalaxaic.
- c.- I'axat da lpi'iaxac de'eda maichi nca'alaqtaguec da l'oqui'axac de'eda nleuaxa yo'oqchigui da yaqto' nachattaigui nachi 'eetai' so Cristo de'eda llo'oxoyic da ico nachida NAQUITAXAC da'eda lca'alaxa.

19.- ¿Mashiyi 'am qanachilaxan co'ollaxa da 'eetec ana laBiblia?

¿Aja qalqo egatae'? _____

Da 'am saxanaxa qanachilaxan de'eda 'eetec da lapaxaguenataxanaxac ana laBiblia qataq anshitaique 'auo'ot, au'aqtaxanem ca 'am yapaxagueetac qaq ca maye 'am yachaxana que'eca mayi ishet da 'auo'ot.

20.- Yi Galatas 5:16 'enapec: "Da shitega 'eeta: Yataqta qoquitegue qome ca 'eetapeguec so Espiritu Santo, yaqto' sa ishit da qoquitague' cam 'eetapeguec da qadapachiyaxaqui". Da 'eetec ne'ena versiculo, ¿ca'eetec ca shinaqtec da qoyiquiaxac da yaqto' sa ishet da qomi' nlaqchigui lo ca maichi qadalamaxat qauem qadyaqchic?

Yi Colosenses 2:6 'enapac: "Qaq yōqo'oyi de'eda 'eetec co'ollaq qauacoñiguet so qadataxala' Jesucristo, qaq nachida qome qoviita'a da qan'ayitau'a so mayi". Qomi' saconaxaguet so Lseñor Jesucristo da chigoqchinguiguit añi qadquiyaqte da qadpi'iaxac, qomoxochictaxa ishet da qolaqtalec so Cristo, de'eda 'eeta' ñachaataxaigui da qada'amqaanataxanaxac so Cristo YŌQTA QADPI'IAxAC.

Qomoxochictaxa da yaqto' ishet da qomi' huesoueguesopa da l'añaxac da ñi'itaxaloxo huo'oi naua cinco lataxaco mayi qomi' ishet da so'ota'q yi na'aq:

- a.- ÑAUATTONAQTELA'T da maichi qadataxac da shinaqta qomi' yauecta'alo da qauem (Romanos 7:18)
- b.- SAŶANAQTA da indoqteec qomi' sa seshitaq da ñauegaq da ñi'itaxaloxo mayi nachattaiguilo qomi' (Romanos
- c.- ÑITOONAQTA'AC da so Cristo chigoqchigui so N'Espiritu nagui nachattaiguilo qomi' (Galatas 2:20; 2 Corintios 3:17; Romanos 8:9)
- d.- SEŶAXANOQOT so Lseñor da chigoqchigui so N'Espiritu da salauataq nam 'eetapegueguesat de'eda qadapachiyaxac (Romanos 8:13) qataq da nachiso nachattaigui ilo'ogue da shinaqta (Galatas 2:20)
- e.- SA'AMAQTENAQ da so Lseñor Jesucristo qomi' yanema ca seŶaxanaqtaique (1 Juan 5:14-15)

"Chaalataxac Huegaxanaxaic"

Paxaguenaxat: 8

DA QAI'OTTAC CA 'EETAPEGUEC ÑI DIOS.

Na n'onataqa:

a.- **Da ataxayaxan:** ana Efesios, naua capítulos yi 1 avida'a yi 6.

Antoueta'ac de'eda tamnaxac da maye ŷoqta huo'o da 'enec ca laloxoqui yi na'aq da anauane se'eso Lseñor. Da tamnaxac ishet da huo'oi naua cinco hueta'alo:

1.- Da ÑI'OXONNATAXANAXAC, da'eda mayi shi'oxodenaq ñi Dios..

2.- Da QAN'ACHIQUIAXAC souaxat nam 'enauac na Somaye qomi' i'oteque.

3.- Da SA'AXATAQ ne'ena qayi'itaxaloxopi.

4.- Da QADQUIQUIAXAC huo'otaq da qadŷaxanaxac ñi Dios da yaqto' nquictauec da L'onataxanaxac yi'iyi qadma' qataq naua lhuenaxanaxaco na laŷipi shiŷaxauapi.

5.- Da QANACHOXONNAXAC ca 'eca mayi seŷaxanaqteguelec ca maichi qadalamaxat qadhuenaxanaxa.

b.- **Yi anapaxaguena da antoueeta'ac:** 1 Juan 2:16-17.

c.- **Ca ad'onatac:** Anamaqtega ca lŷa shiŷaxaua que'eca mayi 'am anatameetalec de'eda lca'alaxa. Auachaxana ana laBiblia da no'on n'axaŷaxac qataq antoueta'ac da ishet da auŷaxanot da ŷauo'o ca lasataxac da ŷaconguet so Cristo da nachiso Lataxala' qataq Lca'alaxaqui da nachaalataxac.

Naua nnataxanaxaco:

1.- ¿Négue't que'eca aloq so Cristo, da 'eetec so Juan 4:34?

I'ot da 'eetapequec ñi Lta'a

2.- ¿Négue't ca nmittaque co'ollaxa so Cristo da 'eetec so Juan 5:30?

Ca 'eetapequec ñi Lta'a

3.- ¿Ta'anco' da huo'omshi chigoqtot na piguem so Cristo, da 'eetec so Juan 6:38?

Da yaqto' i'ot ca 'eetapequec ñi Lta'a

4.- Da 'eetec so Hebreos 10:7, ¿Négue't so l'aqtac so Cristo co'ollaq naŷa na shiŷaxauapi?

Aŷim nagui ñanac da yaqto' so'ot ca qonetapequec 'am ita'a Dios

5.- Yi 1 Juan 2:17, ¿négue't ca qāyachaxanapecot que'eca i'ot ca 'eetapeguec ñi Dios?

Ca mayi nachi 'eetai' da nachaalataxac.

6.- ¿Eetec ca lataxac se'eso sai'ot ca 'eetapeguec so Lseñor yi Lucas 12:47-48?

a.- Que'eca yāyaten que'eca maye so Nseñor yāuotaique qala sa i'ot ca

mayi ita'adaic da nhuaxanaquec (Lucas 12:47)

b.- Que'eca sa yāyaten que'eca maye so Nseñor yāuotaique qaq i'ottac na

sāyāamaxañi ca mayi saq'amaqtaq ca nhuaxanaquec (Lucas 12:48)

7.- ¿Ca 'eetec naq'en so Cristo ca shīyaxaua maye i'ot ca 'eetapeguec ñi Dios da 'eetec so Marcos 3:35?

'Eeta'am ca lqāja.

8.- Da 'eetec yi Mateo 7:21, ¿négue't ca inoxoneu'a que'eca L'onataxanaxac ñi Dios mayi neta'ague da piguem?

Cam i'ot ca 'eetapeguec ñi Dios.

9.- Qaq saqalota na lataxacpi na selaqlec ana'ana laBiblia da négue't que'eca 'Eetapeguec ñi Dios, da yaqto' tāyot nam Cristo lataxanatacpi. Da 'eetec ne'enaua naidauo nedegui'shi, ¿négue't camaxa que'eca 'eetapeguec?

a.- 1 Tesalonicenses 4:3 Nshitaique da qomi' qui'itte

b.- 1 Tesalonicenses 5:18 Sanaqtacot da qan'achiquiaxac ñi Dios.

c.- 1 Pedro 2:15 Qai'ot ca yāyamaqchiquiñi.

10.- Ca 'Eetapeguec ñi Dios nataq'en qomi' qāyachaxanalo chigoqchiguilo naua namaxasoxonaxaco mayi selaqleguete ana'ana Nedeguishi. Saloqnaxanaxalo naua nedegui'shi mayi nagui 'am ishet da ātaxayaxan qomi' yāchaxanalo négue't que'eca 'eetapeguec ñi Dios ca lataxaua DE'EDA ATAMNAXAC. ¿Négue't naua dapaxaguenataxaneque?

a.- Mateo 5:44. Ishet da ñatamnaxalec ca qomi' ishiueeta'pe qataq ca
qomi' sa iyacna'pe

b.- Mateo 9:38. Ishet da seḃaxanaqaique da ñi Lseñor da yaqto'
namaq cam onataxanaxaicpi.

c.- Mateo 26:41. Ishet da ñatamnaqtac yaqto' sa ishet da qomi'
inoxonoiquilo ca qauem qadhuennataxa.

d.- Romanos 12:12. Ishet da qomi' saq saxanaxañi da
qanatamnaxac

e.- 1 Timoteo 2:1-2. Ishet da ñatamnaqtalec na nta'alpi mayi Ita'adaicpi
qataq 'enauac na Itauapi.

Qaq da mayi ishet da ḃoqta ḃataqtegue', ana laBiblia saishet da selaqlec que'eca lataxac qalapaqtañi da qomi' ḃa'axatema 'enauac que'eca mayi ishet da so'otaq de'eda qanachaalataxac yi na'aq. Saloqnaxanaxa da, ana laBiblia qaica ca huaña da i'axat ana lotería hu'o'taq ana quiniela, qalaxayi i'axat da qomi' ishet da no'on da qadaḃamaqtaxanaxac hu'o'taq da seloxogue' 'enauac ne'ena qomi' ḃanema ñi Lseñor (1 Pedro 4:10), qaq da semataqchigui aca qodom ne'ena 'eetec da'a lataxacpi qaq egatae' ḃaḃamaqchiguiñi da qadaḃamaqtaxanaxac ne'ena mayi ñi Lseñor qomi' ḃanema.

Qalaxayi ana laBiblia qaica que'eca lataxac qalapaqtañi qoḃicchigui da taalec da qanachaalataxac, qomoxochictaxa 'eeteco' ca Cristo lataxanataqa da ishet da ḃaḃaten nēgue't que'eca 'Eetapeguec ñi Dios nam lataxaco de'eda chaalataxac? Ca Cristo lataxanatac ishet qone' da n'adeleguete ne'enaua lataxaco lapaqtrañi huetraigui ana laBiblia qana'attaleguete qataq do'ogoxanalo ne'enaua lataxaco lapaqtrañi nam lataxaco de'eda chaalataxac da ivita da natamen.

So 'oonolec ne'enaua lataxaco lapaqtrañi qana'attaleguete huetraña yi 1 Corintios 10:31-32.

11.- Ataxaḃaxan yi 1 Corintios 10:31-32, yi'iyi 'enapec da 'enauac que'eca

so'otaq ishet da so'otaq sanaqtoiqui da 'enauac qañi'oxoden ñi Dios.

Qaq nachi 'eetec da huo'otaq sasayatenaq camachaqca lataxac, ishet da ñitaunaxa't da sauqo'o ca qadasataxac nateeteuo qaq so'ota'q naua tres nnataxanaxaco:

a.- Da so'ot de'eda ¿nachi a'yim sho'oxideetac da l'enaxat ñi Dios?

b.- Da so'ot de'eda ¿so'ottac da a'yim qui'aqaisop que'eca saxanaxa da'amaqtenaxan da yaqto' sa'ya'amaqten so Cristo?

c.- Da so'ot de'eda ¿nachi a'yim qui'aqaisop ca lañaxataxac que'eca iqayā ipi'i'yaxaua?

Da qomi' so'otaq ne'enaua nnataxanaxaco da yōqta qomi' 'eesoda qataq de'eda saqcha'a da qanatamnaxac so Espiritu Santo qomi' yāueegueta que'eca 'eesa (Juan 16:13, Romanos 8:14).

12.- ¿Négue't so lnataxanaxac so i'ot so Saulo yi Hechos 22:10a?

'Am yataxala' ¿négue't ca 'anshitaique da so'ot?

Ne'ena qomi' ñatenaqalec de'eda lataxac da qayāconeguet da nasataxac mayi ishet da hueto'ot ñi 'oonolec Cristo lataxanatac, eeta' nachi saqyit da qainatto'ot so Lseñor, ¿négue't ca ishet da so'ot de'eda ñachaalataxac? Da yaqto' ishet da sanataxa ca qadasataxac huo'oi naua dos lataxaco mayi ishet da so'ota'q:

a.- ISHET DA MAICHI ÑAUATTONAQTELA'T. QOMI': da l'ya n'aqtaguec ishet da sauattonaq que'eca qanachitaxat, de'eda eeta' ca ñaloqtau'a mayi ñi Dios mashi qomi' yanema da yaqto' ishet da so'onataxanaxau'a da l'onataxanaxac. Da 'oonolec naua lapaxaguenataxanaxaco yōqta yataqteguelo ana Nuevo Testamento eda mayi ñi 'oonolec Cristo lataxanatac ñi Dios mashi huo'o ca yanem nachitaxat saqcha'a (1 Corintios 7:7; 1 Corintios 12:7; 1 Pedro 4:10). Ñi qan Dios saishet da chigoqo'ot da nasouaxattega't naq'en na shi'yaxauapi (1 Corintios 14:33), qomoxochictaxa ishet da se'yaxanoqot ñi Maye da qomi' yachaxanalo yōqta yaateec qanégue't que'eca qanachitaxat mayi mashi qomi' yanema' yaqto' nachi so'onataxanoqot qaq ñi Maye qomi' yauattonaxanaxanque qome'.

b.- ISHET DA SAUATTONAQ CA 'EETAPEGUEC ÑI DIOS: huo'oi na cuatro lataxaco mayi ishet da so'ota'q yaqto' sauattonaq qataq so'ota'q ca 'eetapeguec ñi Dios.

1.- Ishet da se'yaxanaqaique da ñatamnaq da ñi Lseñor qomi' ico'yayiguilo yaqto' sauattonaq Ca 'eetapeguec.

2.- Ishet da ñimitaqaique ca nco'yadaxanaxac da qadtaxayaxanataxanaxac

ana laBiblia yaqto' ishet da sauattonaq ca 'eetapeguec ñi Dios.

3.- Ishet da so'otaq que'eca mayi sa'yatenaq da ñi Dios nshitaique da qomi' so'otaq.

4.- Ishet da saxanaxauec na qadalamaxat qadyaqchicpi qa saqyit da salaxasoxoguet da 'eetapeguec ñi Dios.

13.- ¿Négue't so 'enapec aso Maria so yānem so N'angel ñi Lseñor yi Lucas 1:38?

Añim maichi añim l-lata ñi Qadataxala' qaq no'on da ipacchiqui da ad'agtac

14.- ¿Am alhuotta da anem da anachaalataxac amato'ot da lhuaqyaxac ñi Lseñor qataq da 'auo'ot saqyit Da 'eetapeguec?

¿Aja qalqo egatae'? _____

15.- ¿Apaqueeleguete 'enauaque naua 'ad'onataqa se'eso anapaxaguenaxat?

¿Aja qalqo egatae'? _____


Da huo'oi ca n'oidañi 'ad'onataqa saxanaxa da 'auo'ot qaq sa 'auayaloxon da analoqteeta't.

Mashi avita yi loga't ne'ena paxaguenaxat, QAQ 'AM ÑETONAQTAPEGUEEC.

¿Auauotaique da qoqueto'ot da anapaxagueetac?

¿Aja qalqo egatae'? _____

Paxaguenaxac:
"Nca'alaxa' Chochoq
Huañi"



So Cristo 'enapec: "Ayim qalaxayi ñanac, da yaqto',
huo'o da lca'alaxa ana mayipi qataq da chochoq
huañi de'eda lca'alaxa".

Juan 10:10b.

NAPAXAGUENATAXANAQ.

Paxaguenaxac:

"Nca'alaxa' Chochoq

Huañi"

(Napaxaguenataxanaq)

Es una producción de la Convención Evangélica Bautista Argentina a través de su Departamento de Evangelismo y Misiones, con el apoyo de M.A.S.A. (Acciones Misioneras en Sud América).

Traductores: Pedro Medina, Genaro Romero y Miguel Garcia (Miembros de la Iglesia Evangélica Bautista de Lote 10, Pampa del Indio, Provincia del Chaco).

Revisores: Hermanos de las Iglesias Evangélicas Bautistas de Pampa del Indio y General San Martín en la Provincia del Chaco.

- SEPTIEMBRE DE 1992 -

Paxaguenaxac: "NCA'ALAXA' CHOCHAQ HUAÑI"

Paxaguenaxat: 1

"Añim qalaxayi ñanac, da yaqto' huo'o da Ica'alaxa ana mayipi, qataq da chochaq huañi de'eda Ica'alaxa" (Juan 10:10b).

Ne 'enaua nache naua l'aqtaqa so Jesucristo qataq i'ot da selaqa'a da huo'omshe naña ana 'alhua. Ca'ai na piguem lañoqo' se'eso nma' ŷoqta choxodaq huo'o da Ica'alaxa qui'itta huettaigui ana 'alhua nlaqchigui na nasoaxashit, ileu netagui so la cruz qataq nca'aleec. **'ENAUAC NE'ENA YŌ'OT YAQTO' QOMI' YANEMA DA NCA'ALAXA CHOCHAQ HUAÑI.**

Egatae' da nacheda da 'eetapeguec ñi Dios da 'am auaḡamaxadeeta ca saq 'amaqtaq, **'AM ISHET DA AUAMACHIGUIÑI.** Da anachaalataxac ishet da nlaqchigui da ntonaxac, nlagaxayic, qui'itta, n'añaxac, qataq ḡaḡamaqchiguiñi. ¿Auauotaïque da aqopitaxanapec de'eda achiquiaxac?

Da lataxac da ishet da qaiqopitaxanapec de'eda **NCA'ALAXA' CHOCHAQ HUAÑI** qaq huetaigui **ANA'ANA QUI'ITTA NEDEGUISHI**, qaq saqotaïque da 'am 'auauatton. ŷoqo'oyi nacheda da huo'omshe 'am sanaqteguem ne'ena paxaguenaxac 'ena cinco na paxaguenaxat nam hueta'a da 'am ishet da ataxaḡaxaatac na ḡotta'at pasaje chigaqaigui ana la Biblia da yaqto' auasategueta naua nntaxanaxaco ŷoqta huosoxoiqa maye 'am ḡasheetem da aḡa'a da 'auauatton da 'eetec da anachattaigui da **"NCA'ALAXA' CHOCHAQ HUAÑI"** maye ñi Dios huottaique da 'am anachattaigui.

Da 'am ama't naua cinco paxaguenaxa'ate nachi 'am sanaxam aca 'onnaxai lmalate mayi i'axat da 'am mashi amatta da paxaguenaxac **"NCA'ALAXA' CHOCHAQ HUAÑI"**.

1.- "So Jesús nataq'en qalota na i'ot n'anecpi mayi sa qaḡauanapega da ḡauaachigui naq'en so lapaxaguenatacpi da sa ishit da qoḡittalec ana'ana nede. Qalaxayi de'eda qoḡiyiñi da mayi qoḡiyiñi, yaqto' qami' ishit da qaua'amaqchiñi da so Jesús nachiso som nta'a mayi qadca'alaxaqui, som llalec ñi Dios, qataq yaqto' qami' ishit da huo'o da qadca'alaqai da qaua'amaqchiñi so mayi." Juan 20:30-31.

Ne'ena Selaqa'a da so Namaxashic Juan ḡiyiñi da no'on Na'axaḡaxac qaq nataq'en naua dos 'eetapegueque:

* Yaqto' sa'amaqtenaq da so Jesús nacheso so _____

* Yaqto' da sa'amaqtenaq, nachi qomi' huo'o da _____

Naua naidauo' nntaxanaxaco ishet da aua'an negue'tca na 'enaua tres ca ishit da nachica ca nasataxac mayi nateeteuo.

2.- "Qami' mayi yataqta huo'o da qadhuogooi da qanapaxaguiñiilegalo naua nanettrañi l'aqtaqa ñi Dios cha'ayi huo'o da qanaquitaxaqui da qami' taqoto da nca'alaxa mayi chochaq Tateec. Damaq ne'enaua n'aqtaqa mayi nanettrañi naa mayi ayim i'axatta'pe." Juan 5:39.

Da ataxaxaxan yi'iyi mayi qomi' da'aqtaxateguema' so Jesús, da 'eesa hueto'ot so Mayi qataq da nca'alaxa' chochaq Tateec ishet da sanataxa huetaigui:

_____ Ana qui'itta nedeguishi.

_____ Nam 'onatagueeco.

_____ Que'eca mayi 'enapac nam lataxala'pi
ne'ena 'amqaanataxanaxaicpi.

3.- "Qaq de'eda achaaalataxac mayi chochaq Tateec, da mayi nachida da naigui da 'am qa'auatton, 'am Dios mayi nachi'amta qataq 'am 'eesa, qataq na 'ai'alec Jesucristo mayi 'anamaq co'ollexa." Juan 17:3.

Dam 'eetec ne'ena versiculo, da 'am ta'ot "da nca'alaxa' chochaq Tateec" naigui da 'eeta':

_____ Da adca'alaxa nache'eetai'

_____ 'Auauatton anma'ai ñi Dios
qataq so Jesucristo.

_____ Aua'aten na qalota lataxacpi mayi
hueto'ot so Lseñor Jesús.

4.- "Nam sa ishit da da'amqajntaxan, nachi qa'auo'o ca nhuaxanaguec. Cha'ayi co'ollaq anac som yi'oqchiguiñi da ana'ga ana 'alhua, qataq na mayipi yagaqnauec da lqopichi na napalaxa, cha'ayi na mayipi i'otta'pe naua qauema. Qaq 'enauac nam i'otta'pe naua qauema, na mayipi yataqta nquiya so yi'oqchiguiñi, qataq sa ishit da nqo'oneu'a so mayi, cha'ayi nshitaque da sa ishit da yi'aqleguete naua i'otta'pe qauema." Juan 3:19-20.

Ne'ena selaqlec da nam yallippi hu'otaq'ina shiyaxauapi maichi nasoaxalat hu'otaq deqat:

_____ Cha'ayi saqaishet da
qa'ayamaxaani.

_____ Cha'ayi ñi Dios sanalogoñi
qataq yiloxoic.

_____ Cha'ayi nam shiyaxauap'iyauotec
nam lli'itaxaloxopi.

5.- "Qalaxayi qami' sa ishit da ayim qauanaia'a, da yaqto' qami' ta'oto de'eda nca'alaxa." Juan 5:40.

Ne'enaua l'aqtaqa so Jesús qomi' yachaxanalo da sheshitaq da sanataxa da nca'alaxa'

chochaq tateec hueto'ot:

_____ Na 'amqaanataxanaxaicpi.

_____ So Cristo Jesús.

_____ Aca la virgen María hueto'otaq
nam nqolacpi.

Avida'a naḡi da semeenaqtac da'eda 'eesa mayi hueta'a da nca'alaxa chochaq tateec ishēt da qaḡanata huetaigui ANAM QUI'ITTA NEDEGUISHI qaq yaqto' da ḡishoqtaique da ḡica'alaxauēc. nachī. sauqo'o da sauattonaqtā da lataxac ḡemaqa'ae' som Lseñor Jesucristo qaq nam shiḡaxauapi da maichi lataxac ḡauotec nam lli'itaxaloxopi, qaq da qomi' hu'o ca qanhuaxanaguec nache maiche qadalamaxat qadasouaxashit, cha'ayi sa ḡashinaq da ḡanaxau'a so Jesús.

6.- "Qaq so lḡa na'aq, nachī so Juan ila'aguet so Jesús da naḡaxaama so mayi, nachī so mayi 'eeta':

- ḡa qauloḡa, 'ena cha'aguet na qaguetā llalec mayi chigoqo'ot ḡi Dios, nam nqat qome 'enauac na nasouaxashitpi ana 'alhua." Juan 1:29.

¿Negue't que'eca mayi ishēt da iḡouec de'eda qadalamaxat qayi'itaxaloxo?

7.- "Qaq ḡoqo'oyi aḡim shinapec da qami' qaulliviitaḡito qome naua qadasouaxashi'chilli'. Cha'ayi da sa ishēt da qau'amaqchiḡi da aḡim mayi nachaḡimta, nachī qami' qaulliviitaḡito naua qadasouaxashi'chilli'." Juan 8:24.

¿Ca 'eetec ne'ena shiḡaxauapi mayi saḡa'amaqten so Jesús?

8.- "Nachī so Pilato qaltaq pa'auēc, nachī 'enapego' so mayipi, 'eeta':

- ḡa qauloḡa, naḡui da mayi ḡaqateec, yaqto' ishēt da qauaḡajḡiita da aḡim qaica ca sanata lasouaxashit da mayi." Juan 19:4.

9.- "Cha'ayi ḡi Dios ḡataqta lta'adaic da lauotaxanaqtaic na shiḡaxauapi, ḡoqo'oyi yan na 'oonolec llalec, yaqto' 'enauac nam i'amaqten na mayi, nachī sa ishēt da ileu. Chaqdata da hu'o da lca'alaxa mayi chochaq tateec." Juan 3:16.

¿Ta'ainec da qomi' ŷanema' ñi Dios som Llalec?

Yaqto' da sa'amaqtenaq so mayi, nachi huo'o da _____

10.- "Qaq nagui qami' ŷaqaŷa't, ñishitaique da qami' souennataxanaxanque de'eda n'aqtac mayi chigaqaigui da nca'alaxa, . . . so Cristo ileualec da qayi'itaxaloxo, qaq da mayi ipacchigui da 'enapec naua ñiyigui'shi l'aqtaqa ñi Dios. Nataq'en qami' sapexaguenque da so Cristo qailayiñi qaq co'olla inoxoodeec soua tres na'axa'te, nachi qallaq nca'aleec qanqoŷin. Qaq da mayi ipacchigui da 'enapec naua ñiyigui'shi l'aqtaqa ñi Dios." I Corintios 15: 1, 3, 4.

Ne'enaua nedegui'she versículos So Namaxashic Pablo qomi' da'aqtaxanema' de'eda no'on N'axaŷaxac huo'oi naua tres Ita'adaiqa mayi 'eesoda. ¿Negue't caamaxa'?

* Mayi so Cristo _____ dam _____

* Mayi so Cristo _____

* Mayi so Cristo _____ co'ollaxa _____

11.- Yi Juan 1:11-12 setaxaŷaxanaq da so Cristo: "Qaq so mayi anaŷa na maichi lalamaxat lma', qalaxayi na maichi lalamaxat lauo' l'ecpi sa ishít da ŷaconguet. Qalaxayi ñaqaigita huo'o na ŷaconguet qataq i'amaqten so mayi, qaq nachina na ŷanem da ŷoqta itchiguiñi da llalaqpi ñi Dios."

Da 'eetec yi'iyi pasaje, ñi Dios ŷauo'o llalaqpi lalamaxat 'enauac nam:

* _____ so Cristo.

* _____ dam l'enaxat.

12.- ¿Au'amaqten 'am so Cristo da nachiso Llalec ñi Dios qataq nachaqsota Nca'alaxaqui?

¿Aja qalqo' 'egatae'? _____

13.- ¿Mashi auaconguet 'am so Cristo da Adataxala' qataq Lca'alaxaqui da'eda adalamaxat anachaalataxac?

¿Aja qalqo' 'egatae'? _____

Da mashi auaconguet, ¿laŷi co'ollaxa da 'auo'ot? _____

Da 'am au'amaqten da so Cristo nacheso so Llalec ñi Dios qataq nachaqsota Nca'alaxaqui, qalaxaye saxanaxa da 'am auaconguet da taigui da anachaalataxac, NAŪI ishet da 'au'ot qaq Somaye 'am ŷanem da dalaxaic chaalataxac.

¿Auauotaique da auaconguet so Jesucristo da nacheso' Adataxala' qataq Adqa'alaxaqui?

¿Aja qalqo' 'egatae' ? _____

Da 'am adasataxac da "aja", so Cristo mashe 'am ŷanem da dalaxaic chaalataxac 'eeta 'am so ŷa'axat ana La Biblia: **"Qaq ŷoqo'oyi da hu'o ca n'attau'a so Cristo, nachi ca mayi 'eeta'am ca dalaxaic shiŷaxaua. Qaq 'enauac da toguishic nachaalataxac imeuo, nachi qaltaq jec da dalaxaic nachaalataxac."** (2 Corintios 5:17).

Ña anqoagueec au'aqtaxanem que'eca 'am ŷapaxagueetac, camaye hu'o qome' da ntonaxac qataq 'am ŷanema na hu'o'i lqataxaco ŷanema da dalaxaic anachaalataxac, dam "Nca'alaxa chochaq huañi".

Paxaguenaxac: "NCA'ALAXA CHOCHAQ HUAÑI"

Paxaguenaxat: 2

'Am ñitonaqtapeguc da ñaq qoqueto'ot da anapaxaguenaxac, da mayi ñachaxan da hu'o da anaquitaxac da 'auauatton 'ANA QUI'ITTA NEDEGUISHI da anaquitaxac qataq da anpogoxoinaxac da 'auo'ot da anapaxaguena 'Ana Qui'itta Nedeguishi 'am ñanem come da qalota da an'achiquixac, cha'ayi ñi Dios ñachaxanapec da que'eca maye iuennata'a de'eda L'aqtac "nachi 'eeta'am aca qo'ipaq mayiñaxattalec na loigue ca n'etaxat, nachí ñataqta ipacchiguilo na laloqo'te da hu'o na ala, qataq saishet da daqqa ana laue, qaq 'enauac na i'otpi ñataqta ñaḡamaqchiguiñi" Salmo 1:3.

'Onole ana ñalectaiguilo nam ñoqta qaḡauatto'n ana La Biblia nachana ana EVANGELIO DE SAN JUAN. Yedeñi qo'ollaxa som 'oonolec se 'esoa doce nale't so Jesús. So Juan ñedeñi qo'ollaxa de'eda no'on N'axaḡaxac yaqto' seshitaq da sauattonaq so Jesucristo, yaqto' seshitaq da sa'amaqtenaq qataq yaqto' hu'o da qadca'alaxa chochaq tateec. Qaq ne'ena paxaguenaxat, chigoqchigui da ataxaḡaxaatac ana La Biblia qaq naua nnataxanaxaco mayi tata'a da auasategueta nachi qolaqto'ot da so'otaqtac da sasataxagueta ne'enaua nnataxanaxaco:

¿Chaqanegue't so Jesucristo?

1.- Yi'iyi N'Evangelio so Juan selaqleguete naua tres 'amaqtagaiqa mayi 'eesoda i'axat da 'eetec da shiḡaxaua so Jesucristo:

* Yi Juan 1:34 qomi' da'aqtaxaateguema' da so Jesús nachiso _____

* Yi Juan 5:26-27 qomi' da'aqtaxaateguema' da so Jesús nachiso _____

* Yi Juan 4:42 qomi' da'aqtaxaateguema da so Jesús nachiso _____

Dam hua'auchiguiñi ñaq 'enaq secuennataqa'a da so Jesucristo nachiso **SO LLALEC ÑI DIOS.**

2.- ¿Chaq negue't se esoa shiḡaxa'u mayi ishet da i'axatta'ape ne'ena' mayi 'eesa'?

* Juan 1:32-34 _____

* Juan 1:49 _____

* Juan 6:68-69 _____

* Juan 9:35-37 _____

* Juan 11:24-27 _____

* Juan 20:31 _____

3.- Da 'eetec yi'iyi mayi setaxaḡaxanaqtac yi Juan 19:7, ¿ḡaḡateeteguēt peta'a som judiopi da so Jesús 'eetega da Somayi nachiso so Llalec ñi Dios?

¿Aja' qalqo' egatae'? _____

4.- Yi Juan 1:1-3 so Jesucristo da l'enaxat "N'aqtac". Yi'iyi versículo 1 qomi' da'aqtaxaateguema da "qaq se'eso l'enaxat N'aqtac somayi hueta'aguet ñi Dios qaq so mayi Dios" Qaq yi'iyi versículo 3 'enapec da so "N'aqtac" i'ot que'eca mayi chaqñita ñi Dios ishet da i'ot. Ataxaḡaxan ḡoqta aloolec yi versículo 3 qataq aua'an negue't ca ne'enaua tres nasataxaco que'eca nateeteuo:

_____ So N'aqtac, hu'o'taq se'eso Jesucristo, naḡa ana 'alhua.

_____ So N'aqtac, hu'o'taq se'eso Jesucristo, i'ot 'enauac nam hu'o'.

_____ So N'aqtac, hu'o'taq se'eso Jesucristo, dapaxaguenataxan.

5.- Ataxaḡaxan yi Juan 10:30 qataq auasateguet: ¿Nacheso so Jesús Dios?

¿Aja' qalqo' egatae'? _____

6.- Ataxaḡaxan yi Juan 8:58, ne'ena versículo so Jesus hu'o' so 'eesa i'axat, aua'an ca nasataxac nateeteuo:

_____ Mayi 'evi' na treinta vi'iyi da llaxa. _____ Mayi nal'ena da hu'o'.

_____ Mayi 'evi' da nachi'ena'am da llaxa so Abraham.

7.- Da 'eetec yi'iyi Juan 20:28, ¿Negue't ca hu'o'mshi 'eesa naq'en so qoleguetaxanaxaic Tomas co'llaq mashiyi da nca'alec so Jesús?

Qaq mayi so Jesús nachiso _____

Mashiyi semeenaqtac da na N'evangelio so Juan dapaxaguenataxanec ḡoqta ḡataqtegue' da so Jesucristo nachiso so LLALEC ÑI DIOS QATAQ MAICHI DIOS. Qaq da 'eetec da'a'

nachi hueto'ot 'enuac da l'añaxac, saqca que'eca Somayi saishet da i'ot. Taq'en qomi' ŷapaxaguenque da so Jesús nachiso so SHIŷAXAUA LLALEC. Qaq ne'ena qaŷauotaique da qai'axat da co'ollaq "so N'aqtac" nañigui da lataxac ca yi'oqchigui shiŷaxaua (Juan 1:14), so Jesús nañigui shiŷaxaua 'eeta'ama' qomi'. Somaye nañigui shiŷaxaua, qataq nala'agueta nam nachien'ama qañe'eguenatagueeco qataq qañe'eguenagueeco qomi, qalaxaye Somaye qaica ca ŷitañi lasouaxashit (Juan 8:46). ŷoqo'oyi egatae' da ndoteec da hu'o da L'añaxac souaxat da Dios, mayi nataq'en nmate' 'enuac nam qomi' mashi sevidaxaguetpi da yaqto ishet da qomi' ŷaŷateetegueta qataq da no'on da Itaunaxanaxac qomi'.

8.- Na 'enua naidauc pasajes ishet da sanataxalo ne'enua hu'o'i lataxac' ne'enua mayi qomi' ishet da sauattonaq da so Jesús somaye shiŷaxaua 'eeta'ama qomi'. 'Edelec na laŷi ñi 'oonolec nam la cita bíblica negue't se'eso ŷachaxan da somaye shiŷaxaua 'eeta'ama qomi':

* Juan 4: 6 _____

* Juan 11:5 _____

* Juan 11:35 _____

* Juan 12:27 _____

* Juan 13:21 _____

* Juan 19:28 _____

Seshitaq da 'eesa' ñaq'enaq da somaye so Lseñor Jesús da nachiso Dios nataq'en 'enuac dam l'añaxac, qataq shiŷaxaua mayi ŷauatton qataq nachattac qo'ollaxa en'ama qomi', qalqa'a ye mashe lhuotta da yaqto' nachiso so NCA'ALAXATEEC ANA 'ALHUA.

9.- Da 'eetec so Juan 12:47, ¿Negue't ca naga' so Cristo ana 'alhua?

10.- Seuenaq ca qomi' Nca'alaxatreec cha'ayi da 'eetec yi Juan 8:34 ¿da negue't que'eca qomi' l-lataqa'?

11.- Yi Juan 10:17-18 so Cristo qomi' da'aqtaxanema' da ta'anco ñi Ita'a da ŷauotec. Aua'an ca ŷoqta 'eesa nateeteuo:

_____ Ñi Lta'a Dios ŷauotec so Jesús cha'ayi qomi' ŷanema' da no'on n'aqtagec.

_____ Ñi Lta'a Dios ŷauotec so Jesús cha'ayi ileu qataq nca'aleec da yaqto' qomi' nca'alaxatreec.

_____ Ñi Lta'a Dios ŷauotec so Jesús cha'ayi qomi' ŷanema' na no'on napaxaguenataxanaxacpi.

12.- Qaq de'eda 'enapec yi Juan 14:6, ¿seshitaq da sanataxa' ca lŷa Nca'alaxaqui ŷaqauga egatae' so Jesús?

¿Aja qalqo egatae'? _____

13.- Da 'eetec so Juan 12:48, que'eca na'aq pa'ateec, cam na'aq mayi so Jesús ñe'eguetaq qom 'evita ca "loga't da qanmit na nasouaxashit" ¿Chaq' negue't ca i'ot qome ca nhuaxanaguec nam shiŷaxauapi mayi saŷaconguet so Jesús?

14.- Yi Juan 5:24. ¿Negue't ca ŷataqta 'eesa ŷanem so Jesús nam shiŷaxauapi mayi n'axaŷaxana da l'aqtac qataq i'amaqten Somaye?

* Huo'o da _____

* Nachi saishet da _____

15.- Semeenaqtac yi Juan 1:12 da yaqto' sevidaqa'a da qomi' llalqa ñi Dios nachi qomi' mayi sa'amaqtenaq de'eda l'enaxat so Jesús qataq sachaqaigui añi qadquiyaqte.

* ¿Au'amaqten da so Jesucristo nachiso so Llalec ñi Dios qataq Nachaqsota Nca'alaxaqui?

¿Aja qalqo egatae'? _____

* ¿Mashi 'auaconguet da nachiso Lataxala' qataq Lca'alaxaqui dam adalamaxat anachaalataxac?

¿Aja' qalqo' egatae'? _____

Da'am adasataxac da "aja'", so Cristo mashe 'am ŷanem da dalaxaic chaalataxac 'eeta 'am so i'axat ana LaBiblia: "Qaq ŷoqo'oyi da hu'o ca n'attau'a so Cristo, nachi ca mayi 'eeta'am ca dalaxaic shiŷaxaus. Qaq 'enuac da toguishic nachaalataxac imeuo, nachi qaltaq jec da dalaxaic nachaalataxac". (2 Corint. 5:17).

Ña anqoagueec au'áqtaxanem que'eca 'am ŷapaxagueetac, ca maye hu'o'o qome' da
ntonaxac qataq 'am ŷanema na hu'o'oi lqataxaco ŷanema da dalaxaic anachaalataxac,
dam "Nca'alaxa chochaq huañi".

Paxaguenaxac: "NCA'ALAXA' CHOCHAO HUAÑI"

Paxaguenaxat: 3

"Nachi so Jesús 'enapeco': - Naua ñiyigui'shi l'aqtaqa ñi Dios 'eeta': Sa ishít da nachacata aca pan da l'añaqchit ca shiḡaxaua, mayi nataq'en 'enauac na l'aqtacpi ñi Dios.'" (Mateo 4:4).

Qomi' sa'amaxasoqchiguiñi da ñaq qoqueto'ot au'añaxatchiguiñi da adyaqchic da anapaxaguena ANA QUI'ITTA NEDEGUI'SHI, cha'ayi "ishít da 'am ḡajnaxanaxaic naq'en, qataq ishít da 'am ḡaueca'aguet da nca'alaxa mayi chigaqaigui da qai'pi'ḡa'a so Cristo Jesús.'" (2 Timoteo 3:15).

Qaq ḡoqta huo'o naq'enec da qoqueto'ot da ataxaxaatac yi na'aq na L'aqtac ñi Dios. ¿Ataxaxaxan 'enauaque naua n'axa'te nai'taxa cam lcate' caua versículo?

Se'eso paxaguenaxat hua'au qomi' semeenaqtac ¿Chaqanegue't so Jesucristo?, qaq ne'ena paxaguenaxat ḡolta ñapaxaguenaxa qome' da 'eetec da:

L'onataxanaxac so Jesucristo.

En'am se'eso paxaguenaxa'te hua'auyíñi, 'am huo'oi naua ishét da ataxaxaxa'n lliqui'axaco na nedegui'shi ana LaBiblia qataq auasategueta na huo'oi nnataxanaxaco mayi 'am ḡauuegueta da 'auauatton da 'eetec da L'onataxanaxac so Cristo.

1.- Yi Juan 5:36 qataq Juan 10:25 so Lseñor qomi' da'aqtaxanema da huo'o ca ḡan da l'axat da chaqneguet so maye. ¿Negue't camaxa?

Da l'aqtaxanaxac na _____

2.- Na n'evangelio so Juan qomi' da'aqtaxanema naua tres lta'al l'onataxanaxaco so Jesús qaq enaua: da no'onataxac ana 'alhua, da nachaxan ñi Dios qataq da nca'alaxa. Ataxaxaxa'n naua nedegui'shi qataq 'edelec na laḡi da chaq negue't ca ne'enaua l'onataxanaxaco so Jesús ca detaqtega ñi 'oonolec ne'enaua nedegui'shi:

* Juan 3:17 _____

* Juan 1:3 _____

* Juan 1:18 _____

3.- ¿Negue't ca qomi' ḡachaxanalo, negue't ca qomi' ḡachaxaategalo so Jesús da 'eetec ñi Dios ne'enaua naidauo nedegui'shi?

* Juan 3:16 _____

* Juan 4:24 _____

4.- Yi Juan 20:17 so Cristo qomi' ḡapaxague'n da seshitaq da sanaxam ñi Dios da l'enaxat ñi:

5.- Naua dos nedegui'shi mayi taya'a da ataxaḡaxa'n qomi' ḡachaxanalo naua lataxaco huo'o naq' eneque ñim Dios, ¿Negue't caamaxa?

* Juan 17:11. Mayi ñi Dios nachiñi _____

* Juan 17:25. Mayi ñi Dios nachiñi _____

6.- Da'enapec yi Juan 3:36, ¿Negue't ca lataxac ca 'anac da tatec nam shiḡaxauapi mayi sai'amaqten (huo'otaq saḡalaxaguet) so L'alec ñi Dios?

7.- Da 'eetec so Juan 14:7-9, ¿chaq negue't ca chigoqchigui da seshitaq da sevidaqa'a da sauattonaq huo'otaq "selaqa'a" ñi Dios?

Qaq ña semetenaq nayi de'eda mayi so Cristo qomi' ḡachaxanalo da 'eetec ca shiḡaxaua.

8.- Yi Juan 8:44, ¿Negue't ca qomi' ḡachaxanalo so Jesús da 'eeteque qomi' shiḡaxa'u?

Mayi qomi' l'alqa so _____

9.- Yi Juan 3:19, ¿Negue't ca qomi' ḡachaxanalo so Jesús dam 'eetec da qado'onataxanaxac?

10.- Da 'enapec yi Juan 8:34. ¿Negue't qomi'?

11.- Yi Juan 3:18. ¿Negue't so qomi' da'aqtaxanema so Jesús da 'eetec ye soaqta'a da

sasa'amaqtenaq Somaye?

12.- Yi Juan 3:3 qataq Juan 3:7. ¿Negue't ca qomi' ŷachaxanalo so Jesús da hu'o da qadhuenaxanaxa da sauoqtaique da ñeca'alaxauéc?

Mayi qomi' mayi _____

'Eeta'at da 'onataquec 'eeta'am da naŷamaxataxac ca shiŷaxaua qoŷoqta naq'en ñi Lta'a piguem le'ec, ivitta'a da L-latac da ñe'etaxaloxo qataq ŷalamaqchigui da lalemataic sadepe'enaxan ñi 'oonolec Dios qui'itta. Qalaxayi de'eda Isoxoyic ñi Dios nmittaique da nca'alaxateec ca shiŷaxaua da lataxac de'eda. ŷoqo'oyi 'eda da hu'o'mshi hu'o da 'aquitaxac talec na'enauac de'eda l'onataxanaxac ca'alaqtaxanaxaic so Jesús.

13.- ¿Negue't ca n'enaxat ca qoŷanem so Cristo yi Juan 1:29 qataq yi Juan 1:36?

Saseshitaq da saŷaanaqteguet de'eda n'enaxat da saseuennaqte da napaxaguenataxanaxac mayi selaqlec huetaigui ana Togoshi Nede. Co'olla saxanaxa da so Cristo naŷa ana 'alhua, ñi Dios mashi yau'o da lataxac de'eda mayi nam shiŷaxauapi ishet da talec da Ichoxonnataxanaxa ñi Dios soaxat na lli'itaxaloxopi qaq ŷa'auaxaani da da'aqtaxanem ñi Dios qataq nca'ataxanauo da ŷavigaxat so shiguiŷac no'oita. Da nhuennataxa 'eda mayi somayipi maichi pa'aya'aguet da l-leuaxa souaxat nam lasouaxashitpi, qalaxayi ñi Dios yasateguet co'ollaxa da nam shiguiyacpi nalec ye lma' som shiŷaxauapi, dam 'eesa ŷaxaadeec nam qauema mayi mashi i'ot qo'ollaxa. 'Enauac ne'ena co'ollaxa ilota'aguet so laloqo' da nvi' so Cristo da yaqto' ileualeguete' qomi' netagui so la cruz. Somaye nachiso so npa'axaleguete' qomi'. Nañanguet da ŷachi somayi so qadasouaxashit qataq nque'etaxangui so qanhuaxanaguec mayi qomi' maichi seshiitenaq taxa'. Deshitenaxana so l-leuaxa da isheeten aso lashiue de'eda qadca'alaxa. Naŷi, da sa'aqtaxanaxam ñi Dios da qadasouaxashit qataq da sa'amaqtenaq da imauec da qadquiŷaqteyaxac so Cristo da nachiso 'oonolec Qadca'alaxaqui, nachi qomi' qaichoxoden qataq saconaxaguet da nca'alaxa chochaq Tateec. QAQ 'EDA DA LATAXAC DA QADAÑOXOC DA DALAXAIC.

14.- Yi Juan 19:30 setaxaŷaxanaqtac da qo'olloxochi netagui' so la cruz so Cristo nachi 'enapec: **"Nagui ime 'enauac nam qai'otpi."** ¿Negue't ca nshitaique da i'axat so Jesús da 'eetec da'a? (Aua'an ca nasataxac ca nateeteuo)

_____ Mayi ana 'alhua mashi evita ca loga't.

_____ Mayi maichiso co'ollaxa i'ot 'enauac ne'ena mayi iuen da i'ot da

yaqto' nca'alaxateec nam etaxaloxoicpi.

_____ Mayi so Ima'na diablo mashi dauegaxan qaq mashi saqca ca hueto'ot da naquittaxac.

15.- Da 'eetec so Juan 6:66-68, ¿Negue't se'eso chaqsota da hueto'oto naua ishet da qomi' taḡoto n'aqtaqa mayi chigaqaiguilo da 'achaalataxac chochaq tateec?

16.- Tachiina'a da ñanagaqto'ot da qomi' iuennataxanaxata'ape de'eda l'onataxanaxac so Jesucristo. Qalaxayi nataq'en hu'o que'eca mayi qomi' ishet da so'otaq. Yi Juan 6:28-29 qomi' qai'aqtaxanema negue't que'eca mayi ishet da so'otaq **"yaqto' qomi' ishet da so'otaq cam 'eetega ñi Dios da so'otaq"** ¿Negue't camaxa?

Semeenagtac so Juan 1:12 da ñi Dios ḡanem da ḡoqta itchiguiñi da llalaqpi ne'ena mayi **"ḡaconquet"** so Cristo, **"qataq na i'amaqten Somayi"**. De'eda naigui da ca huotaique da nca'aleec nachi ishet da i'amaqte'n naua dos lataxaco. Ishet da da'amaqtenaxan chigoqchigui na lqaic qataq añi lquiyaqte'. Sa'amaqtenaxanaq chigoqchigui na qadqaic da sasataxaguet da 'eesa' de'eda mayi ana LaBiblia i'axat da 'eetec so Jesús, da Somaye nachiso Dios qataq nataq'en shiḡaxaua, mayi ileualec nam qayi'itaxaloxopi qataq nca'aleguesop de'eda nleuxa yaqto' seshitaq da sauanaqchigui da l'añaxac da yaqto' ishet da qomi' nca'alaxatreec qataq Somaye nachi 'oonolec da ishet da qomi' ḡanema da qadca'alaxa chochaq tateec. Sa'amaqtenaxanaq chigoqchigui añi qadquiyaqte dam saconaxaguet so Jesús da nachiso so qadalamaxat Qadatataxala' qataq Qadca'alaxaqui, seḡaxanoqot da yaqto' taigui da'eda qanachaalataxac yaqto' ḡapalaxat nam qayi'itaxaloxopi qataq yaqto' ilo'ogue da shenaqta 'enauac.

¿Au'amaqten 'am da so Jesucristo nachiso Dios qataq nataq'en shiḡaxaua, mayi ileualec ne'ena ayi'itaxaloxopi qataq da nca'aleguesop aso huachiqui da yaqto' ishet da ḡachaxan da Somaye nachaqsota Nca'alaxaqui?

¿Aja qalqo egatae'? _____

¿Mashi auḡaxanot 'am so Jesús da taigui de'eda anachaalataxac da nachiso adalamaxat Adataxala' qataq Adca'alaxaqui, amato'ot 'enauac da anachaalataxac yaqto' Somaye ilo'ogue?

¿Aja qalqo egatae'? _____

Paxaguenaxac: "NCA'ALAXA CHOCHAQ HUAÑI"

Paxaguenaxat: 4

"iChalcata da ŷauochi da adapaxaguenataxanaxac! i'Enauac yi na'aq semeteetac yemaye!... Dam auachaxanapec ŷacteec naq'en da lamaic na iqosot napacalec ca 'ama da taigui na aŷap" (Salmo 119: 97, 103)

Na mashe 'auo'ot anapactelec ye laiñi ne'ena anapaxagueetega, qaq da huaxaiguat ana 'ana nache saxanaxalo chaqnauate naua dos anapaxaguenaqtel yaqto' ishet da auaconguet aca lmalate dam paxaguenaxac "Nca'alaxa Chochaq Huañi".

'Donolec da huetaigui ne'ena lataxacpi da ne'ena paxaguenaxac huotaique i'ot 'eda 'am i'añaqchit da yaqto' YI'YI NA"AQ ataxaŷaxan ana QUI'ITTA NEDEGUISHI. De'eda mayi ashet da 'auo'ot da auachigotchiguiña 'eda auacona ye no'on na'axaŷaxac ledeguishic so Juan qaq ataxaŷaxan amattec so'onolec nedec'eso capítulo yi na'aq. Da qaitaxayaxān na huetaigui ana LaBiblia qaq nacheda da yoqtā hu'o naq'enec qataq 'am i'añaqchit naxa da setaxayaxañaq da ñimitaqtapigui na lataxaco, qaq egatae' da setaxaŷaxanaq da yaqto' chocha "sataqta'a't cada'acolec". Da'eco ishet da 'am itauan 'eda mayi da qouapegue' da auasategueta ne'ena cuatro nntaxanaxaco huetaiguilo naua nedegui'shi ana LaBiblia mayi mashe ataxaŷaxan:

- a.- ¿Huo'o peta'a ca namaxasoxonaxac ca ishet da salaxaguet?
- b.- ¿Huo'o peta'a ca ŷachaxanapec ñi Dios da ŷanem da ñachaalataxac?
- c.- ¿Huo'o peta'a ca ñetaxanaxac hu'o'taq ñe'etaxaloxo ca ishet da saxaneec de'eda ñachaalataxac?
- d.- ¿Huo'o peta'a ca napaxaguenataxanaxac da 'eetec ñi Dios ca ishet da ñapaxaguena?

Yi 'eyeua paxaguenaqate 2 qataq 3 masheyi ñapaxaguenaqttega de'eda maye qomi' i'axatema ana LaBiblia da'eetec ca SHI'YAXAUA QATAQ DA L'ONATAXANAXAC SO JESUCRISTO. Ne'ena paxaguenaxat qomi' ŷolta qolaxalec qome da ñapaxaguena de'eda LCA'ALAXA NA CRISTO LATAXANATAC, de'eda eeta' da lca'alaxa ne'ena shiŷaxauapi maye hueto'ot so Cristo da nachiso Lataxala' qataq Lca'alaxaqui de'eda nachaalataxac. Qoloqot qone' da ñapaxaguena de'eda:

Lca'alaxa Na Cristo Lataxanatac.

Yi 'eye no'on na'axaŷaxac i'ot so Juan qomi' da'axtaxanema naua lataxaco ŷoqta hu'o naq'enec da 'eetec da Lca'alaxa Na Cristo Lataxanatac. Ña semetenaq negue't que'eca qomi' qai'axatema ca 'eetec ca chigoqchiguiña de'eda Lca'alaxa Na Cristo Lataxanatac.

- 1.- Yi Juan 5:40 so Cristo ŷachaxan da yaqto' qomi' taŷoto da nca'alaxa chochaq tateec

nachi qomi: _____

2.- ¿Negue't ca ŷachaxanapac so Cristo yi Juan 6:37 nam naua'a Somaye?

3.- Yi Juan 1:12 selaqlec da ñi Dios ŷauo'o lalapaqi lalamaxatpi 'enauac ne'ena maye
_____ so Cristo, ne'enamaye _____

De'eda naigui da ŷoqta qai'amaqten qaimato'ot na nqaic qataq añi nquiyaqte.

4.- Yi Juan 3:3 so Jesús nacheso ŷi'eguelaxattalec de'eda maye ishet da "selaqa'a da l'onataxanaxac ñi Dios" nachi qomi:

5.- Yi Juan 5:24 so Lseñor Jesucristo 'enapac da ca 'oonolec da hua'axaŷa da l'aqtac qataq i'amaqten ñim namaq Somaye, saqŷit da hu'o'oi naua tres lataxaco:

- * Huo'o da _____
- * Saishet da _____
- * Cha'ayi mashí sogote da ca'ai _____

6.- Da 'enapac so Juan 8:34-36, ¿Chaq negue't ca qomi' isoeeguesopa so Lseñor Jesús?

7.- Da 'enapac so Juan 17:3, ¿Negue't que'eca nca'alaxa chochaq tateec?

Chigoqchiguilo ne'enaua nedegui'shi huetraigui ana LaBiblia da selaqa'a da Lca'alaxa na Cristo lataxanatac chigoqchiguiña da ñi 'oonolec taŷot so Cristo da maichi nañigoxoola't, da ŷaconguet so Cristo taigui añi lquiyaqte chigoqchigui da lpi'iaxac da ivita da ŷauatton so Cristo chigoqchigui da maichi lalamaxat lauanaqchic saqcha'a, da ñi 'oonolec ñiguiñi ŷoltaxa. Ishet da shenaqpec qone' da yi chigoqchiguiña da Lca'alaxa na Cristo Lataxanatac da maye maichi LALAMAXAT ÑI SHIYAXAUA. Qaica ca ivida'a da Cristo lataxanatac cha'aye caua Ita'al Cristo lataxanataqa, hu'o'taq cha'ayi ca llaqaqi mashí Cristo lataxanatacpi, hu'o'taq cha'ayi ca lauo' mashí Cristo lataxanatac, hu'o'taq cha'ayi mashí nachel hu'o'taq n'attau'a ca 'amqaanataxanaxaicpi.

En'am yi qomi' ŷapaxagueneque ana LaBiblia yi Romanos 3:23 'enauac qomi' itaxaloxoicpi, da ñe'etaxaloxo i'ot da qomi; 1-lataqa. Da soqolaqtalec de'eda lataxac chaqdata da ishet da seuataqta'aguet ñi Dios ca "saqca ca'en'am da lchic **Ihuaxanaxaxac**" (Juan 3:36). Qalaxayi ñi Dios qomi' ŷauoteque (Juan 3:16) qaq yaqto ishet da qomi isodeec qataq nca'alaxatreec qaq namaq so Llalec yaqto' nqat nam nasoaxashitpi (Juan 1:29). De'eda i'ot co'ollaq ileu netagui so 'epaq eso la cruz ileualeguete qomi' (Juan 19:17-30) qaq qaltaq nca'aleeguesop qanqoŷin na leuaxaicpi (Juan 20:1-29). Qaq nachi'eetec da n'onataxanaxac de'eda nca'alaxa co'olla ime' (Juan 19:30).

Naŷi so Cristo qomi' enapegalo: "Qaq ña 'aula'a da aŷim sootaigui na lasom, seŷaxaatac. Qad da huo'o ca hua'axaŷa da iŷaxanaxac, qaq da aŷim nauateguet, nachi aŷim senoxonoigui ca lma'..." (Apocalipsis 3:20).

B.- ¿Mashe auauatoigui ñi lasom de'eda anachaalataxac yaqto' So maye inoxonoigui da anachaalataxac da nacheso Lataxala' qataq Lca'alaxaqui?

¿ Aja' qalqo' egatae'? _____

9.- Da mashi aŷaxana so Cristo da naigui aŷi adquiyaqte, da anachaalataxac, qomoxochictaxa mashi 'am lalamaxat so Cristo, 'am aualectaigui ana ilotague' "qagueta". Qomoxochictaxa da 'eetec so Juan 10:27-29 ¿Negue't ca ŷoqta 'eesa da 'am hueto'ot nagui?

10.- Negue't ca l'onataxanaxac ana 'alhua da ŷalecta'aguet ne'ena nallippi so Cristo da 'eetec so Juan 15:19?

11.- ¿Ta'anco' da saq hueto'oto qomi' da qayi'iŷaxa da sataxaguet ana 'alhua da 'eetec so Juan 16:33?

Cha'aye so Cristo _____ ana 'alhua.

12.- ¿Negue't ca ŷanem so Cristo na nalleppi dam 'enapec so Juan 14:27?

13.- ¿Negue't ca huotaique so Cristo da talec na lalamaxatpi da 'eetec so Juan 15:11?

14.- ¿Negue't ca iḡaxaneua'a so Cristo ñi Lta'a da ḡanem so nalleppi yi Juan 17:15?

15.- ¿Chaqanegue't ca ḡachaxanapec da namaq so Cristo yi Juan 15:26?

16.- Dam 'enapec yi Juan 16:13, ¿negue't ca i'ot qome so Espiritu Santo souaxat qomi'?

* Qomi' ḡapaxagueneque _____

* Qomi' ḡaḡaanaxaneque _____

17.- Da 'enapec so Juan 15:26 ¿chaqnegue't que'eca ḡa'axatta'aguet so Espiritu Santo?

Paxaguenaxac: "NCA'ALAXA CHOCHAQ HUAÑI"

Paxaguenaxat: 5

'Am- ñitonaqtapeguc, da masshi avida'a na 'ena pa'ateec paxaguenaxat nam anapaxaguetega. Da masshi avita yi loga't nam paxaguenaxac nachí auachaxaatac da huo'o da anaquitaxac qataq sa'auasaguettac, qaq yoqta qomi' 'eesoda da ñi Dios saqaḡaloq qome da 'am ichoxoden chigoqchigui da anaquitaxac dam 'auauatton anam QUI'ITTA NEDEGUISHI. Ena'am da 'enapec so namaxashic Pablo, ana Qui'itta Nedeguishi taiguet da yaqto' "qaḡapaxaguenataxanque, qataq da qaḡachaxanataxana ca lataxac, qataq da qaḡayamaxajñi ca nasouaxashit, qataq da qaḡachaxanataxana da llic da achaalataxac qui'itta, yaqto' ca lamaxashic ñi Dios ḡataqta nalochiguiñi 'enauc na lhueneguesat, qataq taiguet da i'ot ca camachaqca n'onataxanaxac ḡayamaqchiguiñi." (2 Timoteo 3:16-17).

Sepi'iaqa'a da nataq'en qoqueto'ot da ataxaḡaxatac yi na'aq ca 'oonolec laḡi anam anaBiblia auauotaique da auanata chigoqchigui ana mayi ca nallic saq cha'a mayi aueetaique. Qaq da mashiyi da avidaxateec ne'ena paxaguenaxat nachí masshi 'am lhuotta da yaqto' auaconguet acam lmalate da anapaxaguenaxac cha'ayi masshi amat da 'auo'ot na paxaguenaxat "NCA'ALAXA CHOCHAQ HUAÑI".

Qaq ne'ena paxaguenaxat nachí qolaqto'ot da ñapaxaguenaqtega de'eda:

Nca'alaxa Cristo Lataxanataq.

Se'eso paxaguenaxat hua'auñi masshi ñapaxaguenaqtega da mayi da Nca'alaxa Cristo Lalataxanatac chigoqchiguiña nataq'en da dalaxaic nañoxoc. 'Enauc qomi' 'etaxaloxoicpi. Dam qayi'itaxaloxo ḡauota'a qomi' qoḡoqtalo naq'en ñi Dios, qaq da soqolaqtague' se'eso nqa'aic llic da ñi'itaxaloxo se'eso mayi souaqta'a nachí qaica ca lḡa qomi' iuatta'agueta lataxac nachidata da qaica ca naigui qataq que'eca naḡauo cam lhuaxanaxanaxac chochaq tateec ñi Dios. Qalaxayi, de'eda lta'adaic lauotaxanaqtaic, ñi Dios namaq so llalec da yaqto' ishet da ñica'alaxauec, no'onaxatchigui 'enauc nam hueto'ot na piguem, naḡa ana 'alhua qataq nañigui shiḡaxaua nañaxatoigui aso la virgen Maria. Ivi' soua treinta y tres viñiyi da nachattaiec ana 'alhua 'eeta'am da qanachaalataxac qomi', huo'o da nachaata'aguet na loquiaxacpi qataq ñi'iguenataxanaxacpi nachí'eta'ama ne'enaua mayi qomi' seshitaq da sevidaxagueta, qalaxayi, ISA ḲAUANEGA' DA HUO'O CA LASOUAXASHIT! Qaq ime nachí Somaye ḡachi som qadasouaxashit, isheten ḡaneguet da l-leuaxa netagui so 'epaq eso lacruz 'enauc ne'ena mayi qomi' qadavigaxashetpi souaxato' da qayi'itaxaloxo'. Nachí qailayiñi. Qalaxayi co'olla inoxodeec soua tres na'axa'te nachí ncaaleec ḡachaxan da l'añaxac qataq da nauec de'eda nleuaxa qataq da ñi'itaxaloxo. Co'olla inoxodeec soua cuarenta na'axa'te nachí qaltaq ḡi'iguelaxague da piguem mayi hueta'a naḡi iḡaxaatalec 'enauc nam pi'i'a Somaye. Huo'o ca na'aq nachí anac ḡoltaxa da yaqto' nca'alaxateec nam leuaxaicpi, nmit na shiḡaxauapi huetalec ana 'alhua qataq na'ayiñi da yaqto' nachí 'eetai' da l'onataxanaxac dam nalochiguiñi, nlagaxayic qataq lauotaxanaqtaic.

Da n'onataxanaxac de'eda qadca'alaxa meshi imeta', qaq de'eda mayi qomi' ishet da so'otaq da yaqto' ishet da qomi' ta'oto 'eda maye ñauattonaqtela't da qomi' itaxaloxoiqa, sa'aqtanaxam ñi Dios da huo'o da qadyaxa da saxanaxañi nam qayi'itaxaloxopi qaq ña'añaxataq yaqto' egatae' da sauqo'o ca qayi'itaxaloxo yoltaxa. Qaq 'eda da ana laBiblia dtaxa'ya nachi TOONAXAC. Qalaxayi ñaq saxanaxa da l'ya lataxac yoltaxa. Nai'ctaxa dam 'eda qadyaxa da 'eesa da huotaique da saxanaxañi dam qayi'itaxaloxo, IQOMI' DA INDOQTEEC SA SESHITAQ DA SO'OTAQ! Seuenaq ca ntaunaxanaxac, ltauonaxanaxac que'eca mayi y'oqta y'aguec da 'añaxaic napacalec da ñi'itaxaloxo mayi i'ot da eco' qomi' l-lataqa qataq y'aguec da 'añaxaic napacalec se'eso nleuaxa. Que'eca shi'axaua nachiso 'OONOLEC SO CRISTO. Qaq seuenaq qone' da se'jaxanoqot Somaye da na'ya dam 'eda qanachaalataxac da nachiso QADATAXALA'. Qaq 'eda da ana laBiblia dtaxa'ya qaq NPI'IAxAC.

Da saconaxaguet so Cristo nachiso so Qadatataxala' qataq Qadca'alaxaqui, Somaye inoxonoigui da qanachaalataxac qataq nadalaxat. Nachida da'a lataxac da qadañoxoc da dalaxaic, qaq nachida qone' dam CHIGOQCHIGUIÑA DA NACHAALATAXAC NA CRISTO LATAKANATAC.

Qalaxayi ñi Dios dalyaxa de'eda qanachaalataxac Cristo latakaxanatac da 'egatae da hueta'a da 'eeta 'am yi'iyi chigoqchiguiña, mayi ñi Dios huotaique da ishet da sevidaqa'a da qoyaxa saqcha'a, da qomi' y'oqta ña'yamaxataqta yaqto' ñachaatoxoigui da 'eeta 'am de'eda huotaique Ñi maye. Qaq yoqo'oyi na'yi seuenaq da semetenaq yaqto' selaqa'a ca 'eetec de 'eda LAÑAXATAXAC HUO'OTAQ NQUIGAXAC dam 'eda chaalataxac Cristo latakaxanatac.

1.- Yi Juan 15:1-5 so Cristo qomi' y'achaxanalo aso 'onnaxai laloqnaxanaqte. Detaqtega da Somaye en'am aca nanguishi uva, 'enapec da ñi Lta'a 'eeta'am ca 'onataxanaxaic, cam ilotague' aca nanguishi, qataq da som nallippi 'eeta'am da lcoepi. Ataxa'yaxan 'auo'o da adtelaxa ne'ena versiculopi qataq auasateguet, ¿negue't que'eca qanaquittaique da chigaqaigui ana lcoepi?

2.- Da 'enapec so Juan 15:8, ¿laji ñim Lta'a da huo'o ca ñi'oxonnataguec?

3.- Da 'eetec so Juan 15:5, ¿ca'eetec yi souaqta'a qomi' da yaqto ishet da sachoc ca qalota ala'yaxac?

4.- "Nachi 'eetai' qan'attau'a so Cristo" naigui da 'eeta yi souaqta'a da y'ataqta nhuoteete' Somaye de'eda qanachaalataxac yi na'a'q. Seshitaq da sachoxoñi de'eda da y'ataqta ñi'adaqtau'a chigoqchiguiilo naua tres paxaguenaxaco mayi qa'ya'axa't

huetaiguillo naua naidauro nedegui'shi. ¿Negue't caamaxa?

* Juan 5:39 _____

* Juan 16:23 _____

* Juan 15:10 _____

5.- Da 'eetec so Juan 17:17. ¿Negue't ne'ena L'aqtac ñi Dios?

6.- ¿Negue't cam sachigoxotaqaigui de'eda 'eesa da 'eetec so Juan 8:32?

7.- Da 'eetec so Juan 15:3, ¿Negue't ca i'oteque qomi' na l'aqtac so Cristo?

8.- ¿Negue't ca ŷachaxanapec da qomi' ŷanema so Cristo yi Juan 14:13-14?

9.- ŷoqta hu'o da 'enec da lañaxataxac da qanachaalataxac saqcha'a da seŷotaqauga ca 'oonolec laloqo' yi na'aq da setaxaŷaxanaq ana laBiblia qataq ñatamnaq.

¿Auŷotauga ca laloqo' naxa yi na'aq da yaqto ataxaŷaxan ana laBiblia?

¿Aja qalqo egatae'? _____

Da 'am saxanaxa 'auo'ot, ¿'am Ihuotta da nache auachigotchiguña naŷi?

¿Aja qalqo egatae'? _____

10.- ¿Negue't cam nauochaxa'u so Cristo da 'enapec yi Juan 15:14?

11.- ¿'Eetec da sachaxanaxa da qadauoche ñi Dios da 'eete so Juan 14:15?

12.- Da 'enapec yi Juan 13:17, qataq da saŷatenaq de'eda mayi so Lseñor ŷauotaique, ¿negue't ca lŷa saxanaqca da yaqto' sevidaqa'a dam lchoxonnataxanaxa?

13.- ¿Negue't que'eca namaxosoxonaxac dalaxaic ca qomi' qoŷanema yi Juan 13:34?

14.- ¿Negue't ca hu'o da qomi' ŷauotaxae' ŷi 'oonolec qataq na qadaŷipi da 'eetec yi Juan 13:35?

15.- ¿Negue't ca i'ot so Juan el Bautista yi Juan 1:7?

16.- ¿Negue't ca i'ot so Andres yi Juan 1:42?

17.- ¿Negue't ca i'ot aso 'alo Samaria lashe yi Juan 4:28-30 qataq 4:39?

18.- ¿Mashi ataqtecot 'am ca 'oonolec shiŷaxaua da 'eetec so Lseñor Jesús?

¿Aja qalqo egatae'? _____

¿'Am lhuotta da aya'anem da 'aua'axat so Cristo ca 'oonolec shiŷaxaua ne'enaua na'axa'te?

¿Aja qalqo egatae'? _____

¿Au'o ca adasataxac se 'eso Lseñor da aŷa'anem ca ada'aqtaxanaxac que'eca shiŷaxaua?

¿Aja qalqo egatae'? _____

19.- ¿Hu'o da adyaxa 'am da nache qoquetalec da anapaxagueetega ana QUI'ITTA NEDEGUISHI?

¿Aja qalqo egatae'? _____